

阿文成公年譜

阿文成公年譜卷二十九

受業

王

昶勸定

盧蔭溥增脩

第二孫那彥成恭纂

乾隆四十九年

八月回京

諭曰睢州下汛二堡新隄因大河長水塌寬七八十丈雖據蘭第錫等奏正河溜勢尚未全掣現趕緊裹護但水性就下恐日跌日深以致掣動全溜不可不及早籌辦時因秋錄在邇諭令阿桂趕赴熱河以便辦理勾到事

宜但河工關係重大所有勾到之事刑部堂官內儘可
另派一人著傳諭阿桂接奉此旨卽速赴睢州督辦堵
塞事宜

二十二日

諭曰蘭第錫等覆奏接奉硃批將擬挑引河一千七百八
十七丈河頭現估挑寬八十丈逐段遞減下至河尾寬
四十丈掣溜暢達倍加得力等因一摺計此摺發回時
阿桂已抵工次李奉翰於十二日在清江浦起程此時
自早到豫薩載數日內亦當續到朕前降諭旨令於賈
魯河睢河渦河等處酌建減水壩或添建石工一段原

止據理而論然未審該處情形倘地勢稍有未宜斷不可因朕有此旨稍存遷就阿桂等務宜會同熟商集思廣益如石工減水壩果有難於建築之處卽當據實具奏至黃河漫溢從前尚非常有之事自四十三年以後堤工屢經衝決迫設法在南岸改辦後上年河流方復故道卽不能永慶安瀾方冀十數年或可無事乃甫經一載而睢州又有漫溢之處究竟其故安在是否阿桂等所挑引河稍窄不能容納抑係下游尾閭狹窄及有高墊之處以致下壅上潰著阿桂與薩載等詳細講求將全河形勢究在何處受病據實奏覆以便設法辦理

南文忠公年譜卷二十一
薩載等不必因久任河防稍存迴護也各傳諭知之

二十八日

諭曰漕運爲天庾攸關若如毓奇所奏河道不加挑挖重運旣虞淺阻而河道挑挖極深湖水又無從攔蓄則挑與不挑均無善策雖據奏已將應加挑濬之處按段記明咨明蘭第錫俟回空過竣卽確加覆勘大加估挑但豫省睢州現有堵築漫工之事蘭第錫勢難分身前往所有估挑各工如何辦理及煞壩興挑之事係交何員承辦湖河蓄水利漕最爲緊要著將硃筆點出毓奇摺抄寄阿桂等閱看令其公同商論並集思廣益將如何

設法辦理廣湖河均無妨礙重運得以過行之處據實覆奏

九月初一日

諭曰據何裕城奏秋禾約收分數一摺內稱衛輝府屬之汲縣新鄉獲嘉勘明只有四分等語豫省本年秋收通省合計約及八分而衛輝所屬僅有四分看來已爲歉薄阿桂現由甘赴豫衛輝所必經由著傳諭阿桂卽會同何裕城查明衛輝所屬汲縣新鄉獲嘉三縣如已成災卽將作何撫卹之處據實奏聞候朕降旨酌量加恩至衛輝一帶連年每虞乾旱是否因該府處河北上游

地勢本屬高燥邨係府縣各官不能畱心民瘼以致雨澤愆期地方旣因歲旱屢致歉收自應於冬夏之際虔祈雨雪以冀感召

天和俾農民得以及時播種並著傳諭阿桂等畱心訪詢該處情形及如何設法辦理可以不致因旱成災之處一併覆奏

初五日

公奏言

臣奉

命赴豫督辦睢州二堡漫工於本月二十八日行抵睢州當卽與薩載李奉翰蘭第錫何裕城帶同南河將

備李永吉等前赴工次詳細履勘並面詢蘭第錫等籌辦機宜據蘭第錫等原擬於大隄頭堡四堡兜灣處所接築土壩創槽廂埽東西共長九百餘丈經李奉翰覆勘於東壩加長五百餘丈西壩加長一百餘丈斜對引河頭藉以挑溜東趨並將蘭第錫等原估開挑引河一千七百餘丈增估挑浚加深加長直接河形深處俾足吞納全河掣溜得力彼此所見尚屬相合

臣復以該處係臨黃要工土性沙鬆將來能否保護公同辨論李奉翰蘭第錫等均稱現擬築壩處所灘面高仰土性較好可

期鞏固且下游河道通順與從前青龍岡十六堡
漫溢之後迥不相同堵閉似易爲力臣揆度形勢
反復推究伊等議論均爲近理而薩載亦以所言
爲是自應就現在籌辦情形趕緊施工已面囑蘭
第錫等督飭工員務須步步穩實不可稍存大意
以期一舉集事仰慰

聖懷惟是柴土壩工雖長至一千五百餘丈築做尚不至
有需時日而引河加展挑浚土方不下二百萬工
程最爲吃緊時日未免較長全在多集人夫尅期
應手庶下游被水地方得以及早乾涸而工段亦

可一律就下寬深若延至天氣嚴寒乘凍施工不
特糜費帑金實全工所關非細必須有大員專司
董理方不致臨事周章查藩司江蘭現在工次通
省屬員皆所管束呼應較靈所有挑濬引河及一
切料物應請照從前榮柱之例令該司總司其事
以專責成以裨要工奏入報

聞

公又偕薩載李奉翰蘭第錫何裕城奏言臣等欽
奉

上諭飭令慎籌添建減水壩工一事及趕挑引河堵築漫

工並蒙

垂詢全河形勢究在河處受病令臣等詳細講求據實覆奏仰見我

皇上念切河防無微不至伏查江豫兩省黃河河底較之康熙年間本已日漸淤高每遇大汎水長南北兩岸漫灘刷成順隄河形水勢分流下注以致易於生險加以乾隆四十三年以後祥符八堡儀封十六堡張家油房曲家樓等處疊次漫溢蘭陽以下正河淤墊更高而兩岸衝刷溝槽不一而足敗壞決裂河形幾不復辨受病已深前歲因青龍岡漫

口不能堵合設法變通在於蘭陽三堡迤下開挑引河將南堤改作北堤相距引河千餘丈外建築南堤一道彼時引河挑成開放掣溜形勢頗順在河灘開河原不須過寬大溜經行後已日漸衝刷寬深儘可容納乃上年伏秋兩汛水勢盛漲普面漫灘衝成河形由官廳一帶行走本年伏汛水長溜勢又向南趨將儀封空城之外護城土堤衝開大溜灌入空城由城東張家林折向東南逼近新堤不復再向官廳以北正河行走是以睢州上汛高家寨一帶堤工漸至著重七月底又值連日東

北大風致將睢州下汎堤工漫塌此等情形不獨
豫省河寬爲然卽江南河形窄狹束水攻沙而溜
勢無定每有上堤下坐埽灣頂衝處所若正在搶
護間異常風暴亦不能保其無事至前歲所挑引
河自漫口以下間段雖已停淤而河尾新集一帶
卽引河達入舊日正河之處臣薩載臣李奉翰來
工時經由該處過河河面倍加寬深河內仍存有
清水是引河至此出水甚屬暢達其迤下商邱虞
城境內河道亦復深通江南豐碭徐邳一帶黃河
桃源境內之臨河集陶莊新河迤上之沈家窰從

前不無高仰經臣等勘明具

奏加挑寬深迨四十六年豫省北岸青龍岡漫溢後
水由微山湖入運下達江南邳宿運河徐屬與豫
省接壤黃河凡有兜灣灘嘴之處又經臣等

奏明逐加挑挖時因微山湖運河水勢甚大并經臣等
凜遵

聖訓在於江南下游廣籌疏洩之路隨將豐碭之潘家屯
張家莊銅浦之蘇家山宿虹之十字河臨黃臨運
各壩并桃源之顧家莊等處開挑引河分洩入黃
全係清水其陶莊迤下又有洪澤湖之清口楊家

莊之運口兩處清水匯歸東注其時黃河內爲清水經由汕刷者幾及兩年上下實已深通無阻從前徐城水誌長至九尺以上銅邳宿桃一帶卽已普面漫灘本年徐城水誌盛長至一丈二尺以外低窪之處間有漫灘核計中泓河底業已刷深三四五尺不等此時雖汎堤工雖經漫溢而上游南岸之楊橋黑岡北岸之銅瓦廂等處均爲迎溜頂衝之工半月以來仍在搶險是豫省受病之由並非下壅上潰總緣來水驟湧蘭陽一帶河勢復有變遷土性純沙溜之所到頃刻刷深濬洄搜掣以

致有潰決之事臣阿桂到工後細察情形實是如此今蒙

聖訓以豫省河道綿長並無分洩之處

命臣等詳細勘籌添建減水壩此實我

皇上於無可如何之中思所以永遠奠安之計疊荷

聖明指示不使臣等稍有遷就事關重大臣等何敢不就

寔在情形奏請

聖裁至睢州漫工迤下擬挑引河業已派委多員分段承挑於八月二十五日興工現惟督令文武各員一面多加人夫晝夜儼挑引河一面趕緊進埽堵築

引河挑成壩工自易合龍臣等通盤籌計十一月
內儘可一律告竣奏入報

聞

十五日

公偕薩載李奉翰蘭第錫奏言臣等遵

旨將湖河形勢及自江南至山東一帶運道公同講論並
調運河道沈啟震到工面詢運河情形查山東省
微山湖承受曹單城武金鄉魚臺等州縣坡水及
東岸獨山湖穿運之水潞洄滙注號爲水櫃每年
定誌收水一丈一尺由湖口雙閘出水下濟八閘

及江境邳宿一帶斟酌盈縮因時蓄洩湖水有節
宣之制運河無淺阻之虞向來俱如此辦理四十
六年秋間漫水初至時正當各湖清水盛漲之際
且自曲家樓至南陽湖邊相距三四百里來源既
遠水勢散漫一經清水頂托卽沿路停淤其澄清
之水乃歸於湖湖水愈大則黃水逼開愈遠惟南
陽湖西數十里之李家橋蘇家橋一帶間有黃水
其南陽湖心并昭陽湖以下則徹底澄清並無淤
積曾經據實具奏今復詢問沈啟震所稱情形亦
復如是並稱現在昭陽湖水深四尺而微山湖水

自終年暢放宣洩後現尚深一丈五分核之往年
兩湖水勢不相上下將來煞壩後即可收符定誌
湖底並未淤高等語查微山等湖實無淤墊並非
河員之功即使受淤亦非河員之過是其所言自
屬可信至濟寧以南運河因東岸各山泉水噴沙
下注歷年停積又四十六七兩年漫水入運未能
照常挑挖而兩岸堤土復塌卸入河是以處處淤
墊上年冬間經臣蘭第錫會同撫臣明興奏請自
韓莊以北至濟寧一帶大加挑濬因彼時微湖水
勢尚深一丈三尺以外正當宣洩之際祇就八閘

攔門灘等處額夫辦理本年漕艘經行自韓莊以
北如彭口南旺及臨清口門各最淺處所俱爲通
順卽江廣重船亦並未起剝以過濟過臨行走日
期扣算較之定限俱趕早數日是上冬挑濬之處
尚無淺阻惟八閘內大泛口等處向遇伏秋水發
卽有沙淤本年六月間山水疊次漲盛砂礮停積
甚厚上緊趕撈重運雖行走稍遲於東省統限亦
尚無誤臣等推原漕船遲誤之故實由江南邳州
宿遷桃源邳中河內水無來源向藉東省湖河存
蓄之水啟放濟運而當夏秋大汛時東省各山泉

同時長發挾沙下注易於停淤且宿遷上下亦均係砂礮年年增長自二十五年大挑之後迄今二十餘年每歲擇要疏浚不能一律深暢兼以去冬今春雨水短少駱馬湖存水及上游來水均屬無多以致間段淺阻不能通行業經臣李奉翰會同漕臣毓奇奏明俟回空過竣卽於邳宿一帶確估辦理實於漕運有裨至毓奇所奏江南河道挑深則八閘愈高恐微湖放水直洩無餘之處在毓奇之意不過以止挑邳宿不挑八閘恐上游地勢過高不能蓄水是以遽爲此奏查自韓莊八閘以至

江境原屬建瓵之勢但微山湖既有湖口雙閘以爲鍵束而八閘內又節節關攔祇須撙節宣放卽邳宿一帶河道挑深原屬兩不相礙斷不慮其過於瀉洩今八閘內淺阻處所旣經毓奇按段記明應於回空過竣一併確查估辦再查桃源宿遷境內每遇乾旱之年水易消落曾間段添築草壩蓄水濟運但該處自河成閘以下至運口三百餘里並無關束河流易致洩瀉擬於邳境貓兒窩以下及宿遷十字河二處添築石閘二座並將楊莊運口舊有之三壩量爲收窄更足以資攔蓄再查微

山湖存水本年雖可收符定誌但其上游各州縣坡水經行之路現多淤墊前經臣蘭第錫

奏明將有名幹渠及田間瀝水支溝分別疏濬並會同撫臣明興委員先行查勘應令撫臣明興再派地方道員會同運河道沈啟震確切覆勘估計於明春次第辦理其韓莊八閘內接段估工及運河內照例煞壩興挑諸務臣蘭第錫現在壩工未能卽行前往運河道沈啟震素爲熟諳卽委令查估詳辦

公又偕李奉翰蘭第錫何裕城奏言竊照睢州下

汎二堡漫工數日來外灘土壩現已僨築兩邊壩
臺亦次第盤廂高厚堅實現在西壩已進占長八
十餘丈壩後卽跟澆土戣以資穩固目下正雜料
物源源到工足敷廂埽應用惟是堵築漫工必須
引河得勢引河挑成溜勢掣入正河則壩工不致
著重方可尅期合龍是引河爲首先要務不厭詳
慎臣等會勘籌議該處河形地勢北高南窪原估
引河河身河尾距南堤尚近將來伏秋水發恐漫
灘引溜逼近堤根此時將原估引河中段迤下徑
直估挑接至舊河深水雖工段較長一千數百丈

而形勢暢順河成之後可免向南偏趨之患并史
村鋪一帶舊有埽工俱可避過當卽復加估計自
河頭以至河尾連抽溝共估土三百二十餘萬方
隨卽插立標記分段派委各州縣承挑勒限如式
一律辦竣責成藩司江蘭河北道康基田多集人
夫上緊挑挖臣等輪流往來查勘督催一面將引
河計日償挑一面將壩工跟廂接築慎重料理務
期先後遲速之間償辦得宜以期妥速歲事上慰
聖懷再查南堤自二堡漫口東壩起至二十堡止計長三
十餘里因漫水出堤緊靠堤南東注以致堤身間

段汕刷殘缺甚多若仍修復舊堤內係河槽外係
順堤河形大汛經臨時實難保守臣等公同商酌
在於外灘順堤河形之北地勢高阜處所另築新
堤一道計長五千二百六十七丈其河形內添築
戢壩二道又攔水壩二道以資抵禦共估需土五
十三萬一千餘方並於戢壩臨河一面加廂防風
共單長一萬二千二百餘丈庶將來大汛水長易
於防守現已派員分段趕築至現擬築堤處所地
處高阜其丈尺祇須與舊堤相平無須過高而約
計建築新堤之費較補築舊堤尚有節省臣等與

督臣薩載面商亦以引河取直加挑南堤另行政
築爲是均奏入

諭曰前因毓奇奏運河挑深恐湖水洩放無餘不能攔蓄
是挑與不挑兩有妨礙將何所適從因降旨詢問阿桂
等並令其公同商辦茲據查明湖身實未淤墊惟上游
各河受淤坡水不能疏通以致下游蓄水未能充裕而
漕船遲滯總緣江南運道淺阻本年春間朕南巡經過
時見楊莊一帶河內露有草土該處卽係江南境內草
土俱露則其河底之淤淺可知卽云因山泉長發挾沙
下注易於停淤亦應及早疏濬何以二十餘年之久竟

不奏明大挑此皆薩載李奉翰之過目下回空漸次過竣所有八閘以及邳宿運河應挑各工自當乘時估辦但李奉翰蘭第錫現在豫省辦理堵築事宜不能分身前往其南運河應行挑濬之處並酌建閘座等事著專交薩載辦理北運河八閘應挑之處並趙王河各處疏濬等事著專交毓奇明與辦理至阿桂等奏引河增估挑挖并南堤改築情形一摺亦祇可如此辦理惟閱奏到圖內所挑引河迤北距堤根地勢尚遠何不再向北展開况伊等現擬於東壩築堤接至二十堡此次隄工何必向別處取土當卽將引河挖出之土就近建築堤

工則堤工既可省取土之煩而引河向北展寬亦可無煩多費豈不一舉兩得著傳諭阿桂等卽酌量妥辦現在壩工最爲吃緊是以運河應挑工程不令李奉翰蘭第錫前往辦理著傳諭阿桂李奉翰蘭第錫何裕城伊等四人中於東西二壩每壩必須二人親在該處督率鑲做勿任工員等稍有草率務期壩工步步穩實以期一舉藏工

公偕薩載李奉翰蘭第錫何裕城奏言

臣阿桂自

陝赴豫卽從滎澤鄭州開封一帶順道查勘

臣薩

載復自睢州漫口循堤而上勘至滎澤與

臣李奉

翰臣蘭第錫臣何裕城公同審度查豫省黃河自
滎澤下至虞城計程五百餘里堤長共九萬四千
三百丈向無分洩之路似屬前人辦理未周然建
壩必須膠泥引河尤須倒勾庶不致掣動溜勢如
南河之毛城鋪蘇家山天然峯山等閘或藉山脚
基址建設或土性堅凝外灘寬廣臨黃有倒勾引
渠距堤甚遠可以分洩卽王營減壩距河雖近而
內有鹽河橫亘其中過壩之水洩入鹽河以水禦
水是以無掣溜之虞今臣等勘得豫省堤工滎澤
鄭州境內土性尚堅該處距廣武山甚近堤頭至

山脚一千四百餘丈無堤處所遇黃河水勢長至一丈以外卽由山脚漫灘其漫水卽歸賈魯河下注是此一帶本無庸再設減水石壩其自鄭州以下中牟祥符蘭陽境內沙土夾雜蘭陽以下儀封考城睢州寧陵商邱等處因歷次漫口沙多土少並有純沙之處大堤之上建築減水石壩旣恐不能堅固測量外灘距堤遠者不過數段近則只數十丈外灘高於堤南平地七八尺至丈餘不等現今河勢日漸南趨外灘時長時塌形勢不一開挑倒勾引河亦無作準之處其堤南洩水各河除睢

水河久經淤塞惟賈魯河一道係洩水要路該河發源於滎澤縣之大周山由鄭州中牟祥符尉氏扶溝西華等州縣至周家口入沙河自沙河經商水入江南太和縣境至正陽關淮河歸洪澤湖入惠濟河一道卽賈魯河之分支該河歷中牟祥符陳畱杞縣睢州柘城鹿邑入江南亳州境內之渦河可達淮河亦歸洪澤湖此二河離黃河大堤自十三四里至四五十里不等綿長數百里至千餘里不等現俱窄狹間有淤墊如須減黃必應大加挑浚兩岸亦應築堰攔禦第各河原爲分洩各州

縣坡水一經築堰則坡水無路分洩必須於河之
兩旁酌建閘座增挑汊港以資啟閉而洩坡水以
上各工雖需費浩繁非一時所能集事然我

皇上愛民之周卽多費帑金多需時日只期有益亦所不
計惟臨黃堤工臣等逐段看視土性浮鬆寔難建
立石壩外灘亦無可挑倒勾引河之處若就外灘
寬廣堤工稍堅處所添建旣恐盛漲時引水不暢
未足以資分洩徒然有名無實若於大汛分洩得
力處建設恐壩基不固易致傾圯誠如

聖諭是欲減水而轉致掣溜又斷不可行臣等恭讀每次

欽奉

訓諭令臣等慎重籌辦不可稍有遷就是豫省全河形勢
於建築減水石壩未能相宜之處已早在

聖明燭照之中伏念豫省黃河屢有變遷上厯

宵旰今蒙

指授機宜而又限於地勢未能辦理臣等再四商籌若僅

就目前挑濬下游引河儼堵漫口合龍卽爲了事
尚不放心况臣等往來蘭儀一帶察看高家寨一
工卽本年河勢坐灣由儀封舊城折轉東南衝出
河道該處河內莊基樹根頗多一時難以衝刷寬

深溜勢至此奔騰湍激是以高家寨甚爲險要今
睢州漫口下段應挑引河現在遵

旨加挑寬深若再將上游儀封境內高家寨河北官亭一
帶正河重加挑深取直引溜北注則上下河道可
以暢行新堤不致著重但此際當大工興舉之時
勢難同時並挑且挑成後亦須水勢盛長時開放
方能奪溜北趨臣等擬俟明春興工挑濬一俟汛
水長發卽行啟放可望得力奏入

諭曰祇可如此補救而已

公偕何裕城又奏言查豫省衛輝所屬之汲縣新

鄉獲嘉三縣臣阿桂於夏間經過日正值得雨內
波縣入土較深新鄉獲嘉祇有二三寸嗣經臣何
裕城委員查勘該三縣境內嗣後總未得雨沾透
補種晚田收成歉薄業已成災至連年乾旱之故
臣阿桂臣何裕城現在悉心訪察詳細推究如該
處地方或有水泉壅塞地氣未通以致雨澤愆期
積成旱象上緊疏濬倘此外另有可以設法辦理
之處臣何裕城當親赴該處率同屬員盡心規畫
以裨農田而臻康阜奏入報

聞

二十五日

公偕李奉翰蘭第錫何裕城奏言查此次引河原估長一千七百餘丈續估加長二千四百七十丈經臣等會勘籌議復於頭段迤下徑直估挑加長一千八百九十餘丈共計長六千一百餘丈原以原估工段俱在河身內及相近舊河處所距南堤尚近恐將來大汛涵行逼近堤根是以自中段起改移向北增估取直接至舊河深處既可免向南偏趨之患且河尾亦爲得勢現在引河相距新堤惟河頭相近有一二里者迤下皆三四五里不等

卽遇伏秋水發防守亦尚易爲力臣等前次具奏
摺內未經聲叙明晰以致上煩

睿慮至引河旣離新堤已遠若以所挑土方建築堤工運
送往返未免煩費已令就近取用好土堅實建築
其引河挑出土方卽於迤南三十丈外灘上堆鋪
平整亦可以資擁護至現築壩工西壩已做成一
百三十餘丈東壩盤鑲壩臺做成二十丈因河流
自西而東至漫口始折而向南是以溜勢俱走東
厓若東壩進占太長不惟壩身著重兼恐引河之
頭必至受淤擬再做數丈後卽暫行停緩專從西

開
壩一邊接續進占俟開放引河將近合龍時然後
兩壩一齊進埽趕緊堵閉現在正值逐日做工之
時自應遵

旨分駐壩工督率鑲做臣阿桂不諳工程做法與臣李奉
翰駐劄西壩臣蘭第錫臣何裕城駐劄東壩一體
督同辦理奏入報

聞

公又偕李奉翰蘭第錫何裕城奏言旬日以來承
挑引河州縣離工近者俱已來工各照所分段落
集夫興挑離工遠者亦陸續趕到多僱人夫上緊

備辦臣等因引河爲首先要務尤宜迅速完工不勝急切又飭令司道等廣爲招募民夫乘此天氣晴和嚴督承辦各員趕緊挑挖現在歸德一帶民人赴工覓食并附近之江南礪山山東曹單俱來工次受募是以人夫接踵而至日多一日通計引河長六千餘丈需夫甚衆按工定限按夫計土按日計工不使偷減草率儘可依限完工如果有怠玩從事致悞要工臣等卽據實叅奏以示懲儆至南岸新估堤工凡跨壓河槽之處已令先行填墊鋪底與灘面相平再行一律加高其堵築壩工審

度形勢應從西壩進占九月初十以前已做成八十餘丈日來連接又做成五十餘丈每進一占必令追壓到底層土層料務令前占穩寔接進後占并令跟鑲邊埽趕澆戢工以期十分堅固至東壩係迎溜頂衝盤鑲壩臺最要穩實已做長二十丈再進一兩占卽暫緩前進此時水勢歸槽測量大河水深一丈八九尺不等尚未刷深臣等惟有仰遵

睿訓協力督催一俟引河挑至五六分卽將壩工趕緊進埽併力償辦及早合龍斷不致稍任因循致塵

聖心懸注奏入

諭曰妥實爲之約於何時合龍

十一月初十日

公偕李奉翰蘭第錫何裕城奏言竊照睢州下汛
開挑引河經臣等督飭司道等嚴催僨辦臣阿桂
并合軍機司員來往河干將河底河坡趕緊收搶
埂界餘土起除淨盡於初三日一律全完臣等逐
段查驗寬深均屬如式東西兩壩日來進占僨築
東壩亦做成五丈西壩又做成一十六丈察看水
勢擡高較前湍激卽公同商酌於初五日啟放引

河是日黎明大河水誌正在加長即將引河頭土
壩創開水頭高至九尺有餘勢若建瓴甫經啟放
黃流奔騰直瀉勢莫能禦自辰至酉查看兩壩金
門水消一尺八寸探量河頭已水深一丈三尺大
溜流行迅駛水頭於酉刻已出引河尾入商邱正
河暢達下注臣等目擊放河後溜勢立見分掣壩
工不致著重現在督率將備等將兩壩攢築前進
目下口門不足三十丈壩身一律平穩此時晝夜
併力儻趕不使片刻停畱在工人員見此情形同
深歡慶莫不奮勉爭先臣惟有凜遵

聖訓於趕辦之中倍加小心慎重以期一舉成功奏入
諭曰欣慰覽之佇俟佳音

十七日

公偕李奉翰蘭第錫何裕城奏言竊照引河初放
之時雖卽分掣溜勢尚未能迅疾連日以來委員
查勘兩崖漸次塌寬河底亦日見刷深迅流如駛
較前更爲暢利於初十日寅刻已入碭山縣境循
軌下注大河溜勢掣有六分臣等督率將備兩壩
進埽層層鑲壓並將裏外邊埽跟鑲接築不遺餘
力但口門日收日窄溜勢愈緊愈深現在上水深

四丈餘尺下水深五丈餘尺所下埽個必須一晝
夜始能追壓到底跟接前進現在口門量寬九丈
四尺約計兩壩再進四埽即可趕緊堵閉計合龍
之期當在二十日以內奏入

諭曰以慎重穩固爲要數日未見摺奏已切憂慮覽奏畧
慰

二十一日

公偕李奉翰蘭第錫何裕城奏言啟放引河已掣
溜通順日來天氣晴和人夫雲集臣等督率將備
一面趕進大埽鑲壓堅實一面將內外邊埽跟鑲

接築緊占壩工始猶平蟄串水危險異常將備等
隨蟄隨鑲倍加慎重不敢輕率從事口門尚寬三
丈五尺原擬於十七日掛纜合龍今鑲至十四日
亥刻東壩向西游蟄直抵西壩底埽雖上口尚寬
四五丈過水湍急而水底埽根對面相湊已屬堅
實臣等察看情形急應乘勢趕辦隨督飭工員掛
纜僨堵而兩壩後身俱有蟄裂之處並卽分投搶
鑲料工倍常兵夫踴躍層層追壓金門旋即斷流
兩壩後身亦俱填築堅固並於金門上首加鑲邊
埽下首趕澆土餞搶護三晝夜於十七日已一律

穩固測量金門壩前原水深五丈三尺今合龍後
已停淤一丈六尺止深三丈七尺現在全河大溜
自十五日起已盡歸引河暢流東注壩工穩固無
虞伏思此次漫口計寬三百餘丈開挑引河並抽
溝共長一萬二千餘丈自八月底九月初先後興
工挑築甫經兩月有餘而要工得以迅速蒞事此
河工人員所謂天然合龍之事無非仰賴

聖王誠敬感孚

河神佑助之所致臣等當於壩上叩頭虔謝擬於二
十日前赴蘭陽

敕建河神廟竭誠致祭以答

神佑臣阿桂卽於二十一日起身回京奏入

諭曰據阿桂等奏河工自本月初五日啟放引河掣溜通暢至十七日金門東壩向西游蟄直抵西壩底埽隨卽乘勢趕辦分投搶鑲層層追壓金門旋即斷流並加鑲邊埽趕澆土餞搶護於十七日一律穩固全河大溜盡歸引河等語此次睢州漫口開挑引河一萬二千餘丈堵築口門三百餘丈自八月興工至今兩月有餘方引河開放之後壩工正在垂成忽東壩向西游蟄直抵西壩底埽隨乘勢追壓搶鑲金門卽已斷流所謂天然合

龍寶

天神默佑而阿桂等在工督飭員弁相機堵合歲工尚屬
迅速阿桂著交部議叙

恭錄

御製詩

阿桂等奏睢州隄工合龍信至詩以誌慰

新河去歲始安瀾秋報惟州是又漫昨歲豫省引河南成
初六日據蘭第錫奏到七月二十八九等日上游等河同
時長發風大溜湧人力難施至八月初三日睢州漫口正
河掣溜因命大學士阿桂及薩載李奉翰會同蘭第錫何
裕城等五人往工詳勘并令帶同南河熟練河工之員弁
趕緊無事未能兩載隔有愁那得一心寬天然忽報合龍
緒築

信十一月初五日啟放引河掣通暢督率員弁於東西兩壩晝夜進埽
鑊西壩直抵西壩底埽遂乘勢鑊填層層追壓金門旋卽
斷流並加鑊邊埽搶護於十七日已一律穩固大溜盡歸
引河在工人員均稱天然合龍寔也神佑應憐衆力殫叙吏恤民施次第奉翰督飭員弁藏
工迅速降旨交部議叙蘭第錫何裕城雖漫口疎防應有
處分但趕緊堵合事宜尚均出力亦一併議叙其在工大
小文武員弁並著查明議叙處俾功過各不相掩至此
次夫料各價前經何裕城奏請照上屆青龍岡之例增價
給發分年攤扣歸款但究恐民力拮据所有加價銀兩一
概加恩免徵並令出示曉諭減使聞知以副朕惠養黎元
有加無已肯因已慰忘他難之至意

又

諭曰據阿桂等奏睢州漫工十七日天然合龍皆賴河神

助佑所致於二十日前赴蘭陽敕建河神廟竭誠致祭等語此次漫工係在黃河南岸今阿桂等所祭之蘭陽河神廟乃在北岸雖河神靈爽式憑無所不在而相距過遠未免百姓無從瞻仰此時阿桂雖已起程伊在工日久熟悉該處情形著傳諭阿桂即將蘭陽河神廟是否建在正河隄岸抑係在新挑引河左近該處廟工距現在合龍處所遠近若干或南北相距不遠民間便於籲祭卽毋庸另行建蓋抑或應於南岸另建河神廟或該處附近舊有廟宇重加修葺以答神貺之處阿桂酌量情形一面知照蘭第錫等遵照辦理一面據實具奏

公偕李奉翰蘭第錫何裕城奏言查睢州漫工業經告竣現在於壩內建築泥土二壩一道以爲重門保障此外別無應辦善後事宜惟蘭儀一帶前經臣等會同察勘在於高家寨北岸官亭舊河凜遵前奉

聖諭重加挑深取直引溜北注則上下可以暢行新堤不致著重等因曾經會摺奏蒙

睿鑒茲臣等復加相度查該處河形離高家寨大河僅二百餘丈若行挑浚大汛時開放向南刷寬仍歸入大河不能使溜勢北趨究屬無益且該處不得河

頭難期必成隨上下悉心履勘查儀封迤東之七里井地方今歲大汛時刷有河槽係通牛家寨中泓舊河河頭形勢頗順內中河長四千四百二十丈俱有淤墊應挑深四五尺牛家寨舊河以下至考城東二里廟計長五千二百丈現在河槽寬深存有積水毋庸估挑自二里廟起至林堤口計長二千六百餘丈間段淺窄應行展寬挑深並抽溝槽委員確估共需土五十餘萬方其林堤口以下均屬深通查瓦岡寺至辛堡卽係現在大河暢達深通之處上游一律挑浚到此順流直注勢若建

餽所估工段俟來歲春融派員分段興挑定限四月內辦竣挑完之後加意防守河頭俟大汛黃水盛漲時相機開放果能掣動全河大溜相距南岸新堤更遠所有高家寨及睢州下汛一帶埽工可冀全行淤閉卽或不能全掣大溜亦可分溜北趨俾伏秋大汛堤工不致著重奏入

諭曰應爲者妥慎爲之

二十九日

公奏言查豫省河神官廟共有三處一在武陟建自康熙年間一在蘭陽建自雍正年間俱在正河

北岸一在中牟係奉

旨建造在南岸上游民間歲時籲祭原所不禁但究係官
工廟中均有

御書聯額碑亭小民往來襍遯究有未便且俱相距現在
合龍處所甚遠此外間有工員百姓建蓋廟宇僅
止數楹不足以昭崇祀近歲改築南堤開挑新河
自蘭陽十二堡至商邱七堡計綿長一百四十餘
里該處並未設有專祠自應遵

旨另爲添建以答

神貺臣審度情形請於蘭儀睢寧新壩適中之地南

岸高阜處所建廟一座祇須二三十楹期於堅固
經久不必過事宏敞所需木植輒瓦等項查蘭陽
十二堡以下舊河兩岸俱有官民舊建廟宇雖靈
爽憑依無所不在但近年河流不由彼處經行日
久未免香烟寂寞廟貌傾頽轉爲褻瀆不若將該
處舊廟酌量添移改建如鳩工庀材或有不給卽
令河撫二臣及藩司量爲增補董成其事俾河員
得以及時行香報賽而小民亦可就近籲祭實爲
妥便奏入

上嘉之

阿文成公年譜

卷二十九

五

恭錄

御製文

蘭陽睢寧新隄南岸 河神廟碑記

中州

河神廟之建於北岸者二曰武陟曰蘭陽建於南岸者一曰中牟皆以禦災捍患有功德於民而祀者也茲蘭陽睢寧之間新堤南岸復建河神廟者何乾隆四十九年秋八月河決睢州下汛二堡命大學士阿桂馳往會同兩江總督薩載南北總河李奉翰蘭第錫河南巡撫何裕城五臣會勘詳議築塞并選帶南河熟練河工員弁赴豫俾資調

遣嗣據奏請改築南堤并開挑引河自蘭陽至商邱長一百四十餘里朕按圖審勢命向北展寬引河因卽取土築隄爲一舉兩得之計阿桂等遵旨督辦冬十一月引河成初五日啟放掣溜通暢至十四日夜東壩陡向西蟄直抵西壩底埽遂乘勢鑲壓至十七日金門旋即斷流天然合龍全河大溜盡歸引河是役也

天庥

神佑與庚子年儀封之天然合龍正同在事文武員弁以及遠近士民觀者無不踴躍歡忭額手稱慶以爲非河神之靈不及此也夫

神之靈盈天地間臨之在上質之在旁昭布森列無所往而不在而人之依於

神將以邀福致敬冀遂其瞻仰祈額之私者則非特建

崇祀無以昭

靈貺達羣誠爰命阿桂等度地於蘭陽睢寧新堤南岸適中之處鳩工飭材鼎新

廟貌就南岸者所以別於北岸也蘭陽睢寧之間者所以別於武陟中牟也當睢州下汛之初決方以漂沒田廬爲亟且以稽工曠日爲虞蓋自始事以迄成功予之晝夜齋心默禱無可言喻凡賑助撫卹和雇加價不靳千百萬帑

金以拯濟我災黎而在事諸臣之竭誠襄事與我民奔走役作子來恐後實亦不遺餘力是以昨冬合龍誌事詩云天然忽報合龍信

神佑應憐衆力殫蓋不敢謂予之盡心於民而實

神之篤眷於予也且豫省頻歲不登自昨冬睢工合龍後今歲夏秋以來連獲甘霽晚禾補種秋苗長發轉歛爲豐是

神之篤眷於予實

神之保乂吾民也繼自今亦惟虔鞫孜孜永祈安瀾之錫以與吾民邀福於無疆耳廟工成遂書緣起以勒於石

十二月回京

是年三月子阿彌達授正藍旗滿洲副都統九月
第六孫那彥堪生子阿迪斯出十月孫那彥瞻承
襲一等輕車都尉擢粘竿處三等侍衛

阿文成公年譜卷三十

王昶勘定

受業

盧蔭溥增脩

第三孫那彥成恭纂

乾隆五十年乙巳六十九歲

正月初六日

皇上舉行千叟宴盛典

特命捧卮上壽領大臣班入宴

恩賜

御製詩如意壽杖貂皮補蟒等物

四月十八日

諭曰海昇毆死伊妻吳雅氏一案海昇係阿桂姻親刑部堂司各官不免心存瞻顧阿桂雖無投意囑托之事但伊曾奏及牀檔船艙皆可自縊之語是其意已存袒庇咎實難辭著罰公俸五年仍帶革職畱任

五月十八日

上幸避暑山莊

命畱京辦事

八月初六日

諭曰本日據蘭第錫奏微山湖水勢入秋以來僅長一寸

較定誌尚少四尺有餘俟重運一過南陽卽將東岸獨
山湖并魯橋荆溝諸泉渠之水由各水口單開轉輸微
山湖內以資收蓄等語看來微山湖水勢淺少而江南
洪澤湖底水亦止存二尺六寸目下清口尚然阻滯消
艘淺攔來往俱不能行動朕於此事昕夕懸注至河南
衛輝一帶本屬積歉之區今年亢旱異常秋成失望雖
經疊降恩旨賑卹拊循閭閻是否安全不致流離失所
及續經得雨後情形若何朕軫念災黎無時或釋現在
畱京無事阿桂於八月十八日當上秋審班二十五日
已可辦竣著不必前來行在請訓卽可於月內起程先

赴衛輝被災各處逐加履勘賑卹曾否普霑民情是不
寧帖據實具奏地方官若有辦理不到處卽速奏聞再
至睢州工次將高家寨北灘抽溝引溜之處及從前修
做挑水攔水各壩與蘭第錫畢沅悉心講求設法辦理
務使大溜日漸北趨新隄益加鞏固查勘完竣卽由豫
省赴江南淮黃交匯處所以及洪澤等湖詳悉查勘洪
湖底水如何止剩二尺餘寸並清口因何屢形淺滯究
係因清水微弱或因黃水倒漾據實奏聞會同薩載李
奉翰設法籌辦務令清水暢出敵黃衝刷淤沙以期無
誤新漕永資利濟其管幹珍所奏疏浚支河令諸水匯

流由幹達支俾脈絡貫通之處亦卽會同酌定章程可行與不可行交地方官實力辦理俟江南各事查辦完竣後回程順道山東會同蘭第錫明與將臺莊閘內諸泉及河成三閘上下諸水詳悉查明至微山湖益當令底水充裕收蓄以利新漕永資利濟以及南陽駱馬昭陽等湖有無淤淺相機籌辦阿桂係受恩深重之人自當仰體朕懷不辭勞瘁詳查確勘妥辦熟籌務期事事盡善爲一勞永逸之計不必欲速必須一路輕騎減從畱心和衷商榷以期兩有利賴卽至年底回京亦不爲遲也

十四日

諭曰據薩載李奉翰奏洪澤湖內清水漸長高堰誌椿現在長水一尺九寸畱心察看如湖水盛長清口東西壩屆應行拆展時卽相機辦理等語前因洪澤湖底水短少清口屢形淺滯又有管幹珍之奏是以諭令阿桂前往該處設法籌辦今旣據該督等奏湖水現已加長阿桂到彼查勘時如湖水果能充足可以暢出敵黃衝刷淤沙無誤漕運止須相機調劑自可無庸大興工作徒事騷擾至本年洪湖水短或由上年清口東西壩收閉稍遲以致洩水過多不能存蓄現已批令薩載等查明

據實奏聞阿桂到彼應再查察實在情形酌籌妥議具
奏又本日蘭第錫奏山東各湖正當收水之時現在拆
啟各開口俾獨山湖水由南陽昭陽湖下達微山湖等
語微山湖向稱水櫃蓄自宜充裕獨山南陽昭陽等
湖之水既已下達微山湖何不俟微山湖收足之後將
獨山南陽昭陽等湖亦一律多爲收蓄以備轉輸豈不
更善此事亦著阿桂到彼會同蘭第錫等詳晰酌籌辦
理

十五日

諭曰據薩載李奉翰覆奏清口淤淺情形一摺內稱六月

以前止於彭家馬頭清黃交滙之處沙停淤阻黃水未經漾入清口六月下旬黃水陡長始行內漾清口兩腮皆有停淤江西幫船竟至淺擱裏河內亦經黃水漾注等語是清口淤淺竟係黃水倒漾薩載等前此節次摺內並未具奏直待朕降旨詢問知不可掩飾始行奏聞此豈能瞞人之事何愚至此又據稱現在酌放祥符五瑞二閘引黃入湖以爲濟運地步等語黃水挾沙而行今引黃入湖豈能使之停沙別處而獨流清水以助湖水之不足恐將來未必能收濟運之益而湖底先受淤墊之害看來薩載李奉翰此事竟毫無主張必須阿桂

迅速前往代爲主持以期補救妥善現在清口已因黃水倒漾淤淺今歲漕運遲滯若不力爲籌辦明歲新漕又將貽悞且該督等啟放祥符五瑞二閘引黃入湖設使湖底淤高更非人力所能挑挖關係甚大著傳諭阿桂不必俟秋審事竣於接奉此旨後卽起程直往江南清口一帶會同薩載等察看情形熟籌妥辦此事務期事事盡善以資利濟

八月十六日

公奏言臣前於初十日接奉

諭旨之後細思江南清口淤淺關係漕運最爲緊要且轉

聯新漕尤須預爲籌辦正擬

奏明先赴江南查勘辦理茲接奉

諭旨令臣不必俟秋審完竣卽行束裝起程直往江南清

口一帶會同薩載等察看情形熟籌妥辦臣現定

於十八日由京起身前往俟到彼會同薩載等詳

悉履勘實在情形將如何酌籌妥辦之處再行據

實具奏查本年淮水固屬微弱黃水又復盛漲然

亦何至倒漾清口淤沙梗阻來往漕艘俱不能行

動况黃強清弱亦從前所有之事該督等何妨據

實奏

聞設法辦理何以始終隱瞞直至連接

嚴旨訓飭始將倒漾緣由

奏明恐清口受病之故不止如該督等所奏其中或
另有迴護掩飾別情但河工利病非久駐工所不
能深悉其源委往往有目前見以爲利而行之數
年又有受其病者工員錮習每上下相蒙聯爲一
氣總不肯和盤托出

臣受

恩深重卽捐糜頂踵亦分所當然旣蒙

委任何敢存畏難卸過之念但此事關係明春漕運

國家大計若不籌辦妥協又至貽悞新漕成何事體

况清口究因何淤淺至此薩載等久任河防親身督辦豈得諉爲不知若該督等此時尚不陳明則臣初到工所一時不能驟得其要措辦仍恐未能周妥上勞

宵旰厯慮捫心何以自安仰懇

皇上先行嚴切飭諭令該督等激發天良將清口究竟因何受病之處盡行向臣告知如薩載等詳悉言明臣不能和衷商核私心自用其咎在臣若薩載等始終隱瞞迴護以致查辦舛悞則該督等之咎更無可道如此則該督等接奉

嚴諭不敢復存掩飾庶臣得其關鍵即可從此講求設法
熱籌妥辦以資利濟仰慰

聖懷奏入

諭曰黃強清弱亦從前所有之事卽今歲黃水漲發較盛
常年然清口亦何至倒灌受淤若此之甚此事朕早已
見及節經降旨詢問該督等總未切實奏明清口淺阻
關係明歲新漕若不將受病源委盡行指出從何得其
受病根由礙難籌辦薩載李奉翰久任河防清口淤墊
卽伊二人始終迴護所致安得諉爲不知著將阿桂原
奏發交閱看該督等務須激發天良將清口淤淺根由

據實直陳毋得再存迴護之見迅速據實奏聞一面抄錄原奏迎赴途次知會阿桂俾得以洞悉受病之源從此講求設法妥辦若再不剴切陳明和盤托出以致阿桂查辦時不能得其竅要貽誤新漕或別經阿桂查出受病緣由另行具奏恐該督等不能當其罪也

十九日

諭曰本年洪澤湖水勢較小由於淮水微弱下注無多因思桐柏山爲淮水發源之處著傳諭畢沅詳晰查勘如果淮源不旺或支流有無淤塞自當設法酌辦俾泉源濬發得以助清敵黃至淮瀆廟亦應虔誠致祭以冀仰

邀

神佑並諭阿桂知之

恭錄

御製詩

清口

清口定誌後廿餘年無事下河歲報收運河亦利濟陶莊
改流遠更鮮倒灌弊而何今春旱淮弱瀉湖細續聞沙塗
梗漕艘率淤滯因思沙奚來豈非黃漾致馳諭問河臣始
言倒灌暨因循未早陳清問敢答僞卽令淮尚弱引黃助
清勢

前因毓奇管幹珍等奏清口停淤漕船淺擱意必有黃水倒漾之事因降旨馳詢薩載李奉翰始據覆奏

六月下旬黃水陡長內漾清口致有停淤因清水勢弱現
在酌放祥符五瑞二閘引黃入湖以爲濟運地步等語黃
水挾沙而行今引黃入湖豈能畱沙吁嗟有是乎此事誠
而獨流清以助湖能保其不淤湖乎
堪異詎保弗挾沙開門揖盜計爰命重臣往薩載李奉翰等前此摺內
既未奏及黃水倒漾之事直待馳詢知不可揜始行奏明
亦愚之甚矣清口爲南北咽喉關係甚大因傳諭大學士
阿桂卽日前往清口一帶會同薩載等親行察看受病根
由爲之主持熟籌妥議繪圖貼說據實具奏務期經畫盡
善以資利濟悉心共諮議必審受病源方可言調劑清口豈尋
常南北咽喉地增一南顧憂宵旰厯弗置更思淮濱源桐
柏山禹記或致有壅閼疏濬勅大吏注洪水發源桐柏山淮
旺或來源勢弱以致下游不能暢達因傳諭豫撫畢沅詳
晰查勘淮源及旁挾支流有無淤墊設法酌辦俾淮流清
發湖水充足得以助清敵黃至淮靈
濟廟亦令其虔申祭告以冀福祐

祠秩羶薌虔誠修精祀叶政乖求諸神平成切慚愧

二十一日

諭曰據蘭第錫奏山東各湖俱以各山泉爲挹注該處設有泉河通判並分管汛員不時疏濬不致淤阻西岸坡河春間甫經挑挖由支達幹均已通流等語東省各湖雖前歲黃河北岸漫溢間有淤墊此次經蘭第錫次第經理支幹脈絡漸已疏通看來山東湖河水勢可期充足不致大費周章現在最要機宜自以清口爲重不特淮水微弱難以敵黃必須妥爲籌辦而洪澤湖自向年黃河南岸決口灌注及每年曾開放毛城鋪洩黃以致

湖底未免日漸淤墊尤須急爲籌辦濟運庶明歲新漕
可以無誤阿桂接奉此旨竟當遄程迅速前往該處會
同薩載李奉翰悉心籌畫逐加履勘俟諸務辦竣回程
再由山東前赴河南查勘一切事宜

九月初八日

諭曰據全德奏海州泰州各場及通州所屬東臺各場因
本年雨澤稀少運鹽河道日就消耗剝運艱難現飭該
分司會同東臺縣將東岸范堤舊閘開放數處引潮入
河設法儲蓄以資浮送至通州場河地勢較高鹽船益
難行走亦須相度籌辦等語運鹽河道關係緊要必須

乘時蓄水足敷浮送方可無誤民食今淮南地方自運
河金灣六閘至泰州東臺等處各場俱因本年缺雨河
道淺阻以致船滯難行雖經該鹽政開放閘座引潮入
河爲一時權宜之計所辦尚屬妥協但節近霜降河水
日漸枯涸運送倍難不可不早爲籌畫著傳諭阿桂會
同薩載等將通泰海三屬被旱各場竈及河道情形悉
心查勘熟籌妥商務期鹽運早得遄行毋致濡滯仍將
如何設法辦理飭令地方官求雨之處詳悉具奏全德
摺並抄寄閱看

初九日

陳文忠公年譜卷三十一
公奏言竊臣奉

命徑至江南清口一帶會同薩載等察看情形熟籌妥辦
臣於八月十八日自京起程九月初二行抵桃源
初三日清晨由楊莊運口渡黃入清口一帶逐細
察看因黃水倒漾日久東西兩岸淤沙有濶十餘
丈至數十丈不等中泓止存數丈河溝一道水深
三尺餘寸輕舟往來尚無阻滯現在黃水固漸消
落而測量尚較湖水高五尺餘寸就下之勢不論
遠近此黃水倒灌清口淤墊實在情形也至清口
異常微弱之故實緣春夏以來河南安徽雨澤稀

少睢河並未發水正陽關淨存長水一尺六寸洪
湖內高堰誌椿僅存水二尺八寸本年湖水之小
爲從來未有不但黃強清弱至六月以後竟至清
水涓滴無出黃水又值盛漲以致倒灌入運下達
淮揚是淮水未發湖水極小實爲清口淤墊之由
臣沿途細加訪察到後目覩情形委係別無他故
查乾隆三十三年三十六年四十二年清口彭家
馬頭等處均經淤沙梗阻或遇湖水漲發暢注敵
黃或減黃出清抑強扶弱浮沙卽衝刷淨盡現在
湖內來源不旺所存之水止有此數急切難望其

暢出轉瞬回空南下明春重運經臨若不亟爲設
法籌辦必致節節貽悞臣殫心竭思終無速復舊
規之術實深焦灼但自清口以達淮揚停沙數百
里若興工挑浚則旋疏旋淤徒糜帑金究歸無益
而如薩載等所籌引黃入湖以爲濟運地步此乃
急則治標止可取便一時豈可行之數月誠如

聖諭恐將來未能收濟運之益而湖底先受淤墊之害設
使湖底淤高更非人力所能挑挖關係甚大現在
薩載等所開祥符五瑞二閘過水寬不滿五丈深
止四尺不能大有裨益而自引河入湖邊相距有

四十里之遙或可不致淤湖且任其權時開放一
俟黃水消落卽時堵閉是卽費盡心力亦徒爲緣
木求魚之舉惟有意圖收蓄以利新漕稍有實濟
至此外或尚有應隨時設法調劑之處容臣再行
集思廣益妥酌速籌奏入

諭曰亦祇可如此辦理本年春夏以來旣因雨澤短缺湖
水甚小六月後清水至涓滴無出薩載等卽應先事豫
籌將清口兩壩酌量收束以爲蓄水地步何以並不籌
及亦並未奏聞伊等之意不過以築做壩工未免需費
遂爾因循不辦不知彼時築壩所費尚屬有限今黃水

倒灌淤沙梗墊始議煞壩蓄水已屬遲誤漕運將來挑挖非易所費更屬不貲豈非因小而失大乎是薩載李奉翰於此一事實難辭咎著阿桂查明據實叅奏現在清口既已淤墊自祇可借已灌之黃水俾回空得資浮送俟回空船過完卽當築壩令黃水不復倒灌入湖庶湖水日漸停蓄以濟明年重運阿桂卽當相度機宜迅速妥辦俾明歲新漕庶有裨益

十二日

諭曰蘭第錫等覆奏高家寨抽溝情形一摺內稱八月初旬後該處漕分兩股一股仍走北灘一股由儀封十六

堡至睢州頭堡將新淤嫩灘刷去高家寨十埽上下現有拖溜等語大河溜勢經行固無一定但現在水落後該處既有分溜逼近隄根自不若預爲防護令其歸併一股較爲妥善朕意於該處築一挑水壩逼令歸入正溜東趨似於埽工更資保固已於圖內硃筆標識著發交蘭第錫等閱看并著將是否可行之處俟阿桂到工時酌量情形熟籌妥議據實奏聞

十三日

公奏言

臣奉

命徑赴清口經由山東之齊河縣距省城五十里撫臣明

興因有河湖水利事宜應須商酌籌辦前來會晤
臣細加訪察據稱東省湖河惟汶泗二源爲大所
有濟運水櫃在北則蜀山湖在南則微山湖最關
緊要均須收符定則以資宣洩現在蜀山湖水深
八尺五寸已符往年收水定則其餘馬踏馬場等
湖以次收蓄亦可無虞缺乏至微山一湖全藉上
游金單曹定等縣坡水滙注今春業將嘉祥縣之
澹臺河濟寧州之牛頭河長澹河鉅野縣之萬福
河金鄉縣之柳林河新挑河魚臺縣之新開河舊
運河馬連河等處興工疏濬一律深通七八月間

連得澍雨各坡河之水源源下注微山湖水現深
七尺餘寸此時重運已過將東岸之十八水口西
岸之十四單閘盡行啟放俾諸水匯入昭陽湖下
注微山湖可冀陸續增長足資收蓄其東山各縣
設有泉河通判專司疏濬無虞淤塞等語並據熟
悉東省湖河之運河道沈啟震前至蘭山謁見亦
稱細察此間情形實皆辦理平順似毋庸再爲籌
酌等語臣沿途訪察所聞如此誠如

聖諭東省湖河水勢足敷儲蓄灌注支幹亦漸就疏通可
以上慰

聖懷至沂蒙諸水向俱下注江南歸入駱馬湖濟運入秋
以來沂水旺盛中河卽大得其益所有沂水入湖
各引河有無壅塞之處臣已派淮徐道劉錫嘏前
往詳悉履勘俟查覆到日再行酌籌辦理奏入
諭曰此時最要者專在清口及南運河聞無錫竟至斷流
更異事也

公又奏言臣抵清口以來業將察看淤淺情形奏
蒙

聖鑒在案臣初到此間將作何籌辦之處詢商薩載李奉
翰及河工員弁等多有主引黃灌湖之說者查行

水金鑑內所載康熙十年清口爲黃水灌入裴家
廠引河悉起油沙天妃閘底淤墊回空糧船不能
進口乃於清河縣南岸腰鋪地方支河之連張福
口者疏濬通舟考其時並未言清水來源微弱故
畧資挹注卽可利濟至乾隆三十六年黃河南岸
之陳家道口漫溢大溜下注洪湖由清口而出湖
中未嘗積淤之故凡南岸漫溢黃水俱歸洪湖旣
有大溜下注卽挾沙而行不能停積况當夏秋之
際淮水亦屬漲發二瀆並行浩瀚有力沙隨水去
是以不致淤湖本年淮水未發湖水極小爲從來

所未有現在引黃濟湖亦非善策

臣荷蒙

委任殫竭耳目心思力求目前補救之法與薩載等公同酌籌爲今之計惟有借已灌之黃水以送回空蓄積弱之清水以濟重運查本年貳進糧艘行入淮河全藉黃水浮送方能過淮渡黃則回空之時雖值黃水消落而空船喫水無多設法調劑似可啣尾遄行至此時湖水既不能出境應築壩煞任使之日漸停蓄不使消耗又免黃水入湖淤墊現奉諭旨令畢沅派員疏濬淮河各處泉源薩載等亦將太平河裴家廠張福口等處通湖引河多派人夫上緊

挑挖一律深通約計明春重運北上彼時湖水自
必存積稍多卽可啟壩下注引河抵出清口刷沙
敵黃以資利濟庶爲有益臣與薩載李奉翰悉心
講求大局無過如此總之清水一經旺盛暢出不
過數十日之內諸凡妥順皆復舊觀而清水旣乏
來源將屆冬令湖內之水止有此數斷難望其旺
盛暢出若廣求引黃之路俾灌注入湖待至湖水
長發時尚有半年之久安能保其不逐漸停淤薩
載等亦知此事原非善策特舍此無法增益湖水
不得已而爲此舉此時所開祥符五瑞二閘過水

寬不滿五丈深止四尺以週圍數百里湖面不致
爲些微黃水所淤尚於事有裨迨至霜降水落卽
不堵閉而亦不能過水矣臣到工後與薩載等主
持定議並詢訪河工大小各員并僉稱此事稍有
把握現在銅鉛船隻陸續出口回空糧船渡黃進
口銜尾南行毫無阻滯卽使黃水消落或慮口門
淺阻臣與薩載李奉翰已相度形勢於陶莊河尾
迎溜另開口門過水較深四五尺並築兜水壩以
蓄其勢已飭工員妥協辦理預備臨時調劑至湖
水出路自築壩攔截後日內高堰誌椿已長水寸

餘此時距明春重運到淮尚有五月之久希冀日漸停蓄再長水二尺餘寸即可啟壩下注抵出清口刷沙敵黃以致利濟設或不能長至四尺臣遍問工員揣度事理亦足以浮送新漕不致貽悞可以稍舒

宵旰廛注奏入

諭曰阿桂奏籌辦清口情形一摺據稱擬於陶莊河尾近溜另開口門過水較深四五尺並築兜水壩以蓄其勢至湖水出路自築壩攔截後日內高堰誌椿已長水寸餘等語清口既經淤淺若又引黃灌湖自非善策阿桂

等既相度形勢於陶莊河尾另開口門並築兜水壩以蓄其勢即使黃水消落口門不致淺阻此亦調劑補救之一法著繪圖貼說呈覽至洪湖水勢自築壩攔截後漸已長水寸餘可見早應如此辦理薩載等於清水消縮時果能豫行籌辦則兩壩收束一尺湖水即可得一尺之益何至日漸淤墊乃竟置之不辦並不攔截收蓄以致清水益弱黃水倒灌停沙淤梗前已降旨詢問薩載等再著阿桂傳旨面行申飭至無錫一帶河路乾涸昨據李慶棠奏及該處爲漕運經行要路若竟至乾涸卽日漕艘回空何以行走此事所關尤爲緊要並著傳

諭阿桂務須悉心籌辦設法疏治務俾今歲回空及明歲新漕均無貽誤方爲妥善

十五日

諭曰節次據阿桂奏到籌辦清口情形借黃水以送回空蓄清水以濟重運并於清口築壩煞住及陶莊河尾另開口門各節已屢經降旨令其相機妥辦繪圖貼說呈覽矣從前治河之道惟有導清攔黃不使倒灌今轉引黃水入清口以資浮送自屬下策但該處旣經淤沙梗塞舍此別無引水善策亦不得不如此辦理然其事究屬可暫而不可久必須設法疏治俾清水日漸旺盛以

期賜出刷沙於事方有裨益又無錫一帶河路竟至乾涸不特明歲新漕可慮目下回空船隻何以行走所關尤爲緊要應如何酌籌辦理之處更當及早施工俾漕艘得以通行無滯至一切收蓄疏濬事宜非一時可以完竣阿桂自不能久稽該處著將清口及無錫一帶緊要處所料理妥協定有章程後卽交與薩載李奉翰遵照妥辦阿桂酌量情形於今歲回空及明歲重運均可過行無悞不須在彼久稽卽當回至山東閱視湖河再赴豫省查勘新隄及災賑事宜於年底可以順道回京仍將現在洪湖清口情形及無錫一帶作何籌辦之處

迅速覆奏以慰廛注

十九日

公奏言臣前奉

諭旨本年洪澤湖水短或因上年清口東西壩收閉稍遲以致洩水過多不能存蓄阿桂到彼應查察實在情形具奏欽此正在繕摺奏覆間本月十四日接奉

上諭本年夏秋以來旣因雨澤短少湖水甚小六月後清水至涓滴無出薩載等卽應先事預籌將清口兩壩酌量收束以爲蓄水地步何以並不籌及亦並未奏及伊等之意不過以築做壩工未免需費遂爾因循不辦不

知彼時築壩所費尚屬有限今黃水倒灌淤沙梗墊始議煞壩蓄水已屬遲悞漕運將來挑挖非易所費更屬不貲豈非因小而失大乎是薩載李奉翰於此一事實難辭咎著阿桂查明據實叅奏欽此查清口東西壩向

蒙

欽定機宜原視湖水長落尺寸以定拆收上年豫省睢工漫溢以後洪湖誌椿原長至六尺以上九月下旬

臣薩載自豫回江察看湖水漸消督令廳營趕緊收築做成壩工一百十三丈畱口門三十丈至十一月月底河臣李奉翰在豫堵築壩工事竣回至清

口又將東西壩接築收窄畱口門寬二十丈均經
奏明雖本年淮河上游處處被旱湖水異常淺少固
非意計所能及而上年薩載飭令收築壩工時在
九月湖水已見消落卽不應尚畱口門三十丈而
李奉翰自豫回江時誌椿存水祇有二尺四寸彼
時接築收窄亦不應仍畱口門二十丈是以誌椿
存水至上年年底已消落無存是薩載李奉翰並
未將現在情形應機達變先事預籌將清口兩壩
再加收束以爲蓄水地步惟希冀湖水接續加長
卽可暢出引河濟運及至春夏缺雨淮水並未長

發六月以後湖遂涓滴無出黃水倒灌運道淤淺
又不隨時據實具

奏恭候

聖明指示其因循貽悞辦理不善之咎實所難辭臣謹據
實察

奏請

旨交部嚴加議處奏入

諭曰清口向定誌椿原爲湖水平常滿足之時而設上年
九月以後湖水既已消落薩載李奉翰先後到彼察看
時卽應將清口兩壩酌量倍加收束預爲蓄水乃不先

事籌及仍畱口門二三十丈以致清水日弱黃水倒灌
運道竟成淤淺又並不據實具奏直待降旨詢問自知
無可掩飾始行入告是伊等辦理不善之咎實屬百喙
難辭薩載李奉翰俱著交部嚴加議處

公偕薩載李奉翰奏言竊臣阿桂自抵清口後察

勘黃水倒灌雖由於本年淮水過弱所致但思豫
省南岸連年漫溢黃水悉由淮入湖究恐湖身未
免墊高並聞盱眙縣境金家岡一帶淮河內有淤
淺之處或淮水因之不能下達亦未可定當卽會
同臣薩載臣李奉翰前赴高堰山盱一帶詳悉履

勘查洪澤湖爲黃河以南濟運水櫃湖面自西南斜向東北週圍四百餘里由清口至高堰關帝廟以上二十餘里湖灘本高又因六月內黃水倒灌五道引河普律受淤不見湖面迨由關帝廟以南直抵蔣家壩一百餘里則一望汪洋莫辨涯際高堰誌椿係前任河臣李宏奏定維時湖內底水存有二丈椿底與湖心水面相平椿高一丈八尺八寸與堰工尺寸相等爲湖水消長之驗上年底誌椿上所存長水已消落淨盡湖內之水尚深一二三丈不等並非湖身墊高不能蓄水猶之正陽關

誌椿上現報長水消落無存而河內之水尚深有丈餘自七月後淮水稍長近復將湖水築壩煞住目今高堰誌椿已長水三尺一寸太平河張福口裴家廠各引河亦漸次挑竣再俟湖水蓄高明春重運將到即可起壩開放下注清口濟運至盱眙縣境至金家岡以至大王廟二十餘里因上年自七月以後上游一帶未得大雨今歲春夏又天氣久晴該處河水止深一尺二寸水下均係稀淤臣薩載隨委員前往勘估挑辦因水底難以撈濬擬於沿河南岸灘上估挑引河一道長三千八百三

十餘丈以備水小時重運經行適值淮水旋長未
及興工茲_臣等細加測量金家岡迤西至打石山
河水俱深有丈餘大王廟迤東至龜山水深竟至
三丈以外惟自金家岡至大王廟中間現在水深
仍止有四五尺水底稀淤深至六七八尺不等其
因何此處水勢較淺並底有稀淤之故_臣等悉心
體察並遍加訪問緣淮河河身本係寬窄不一所
以水勢各有深淺不同金家岡一帶雖係淮河舊
河身而河面寬至十餘里久成湖汊又值安省連
年雨澤短少今夏更加旱暵該處河水僅深尺餘

致重運經臨必須起剝而現在該處河內水深已
有四五尺普面皆過足資浮送卽從前估挑引河
灘上現亦水深二三尺不等無從挑挖復詢之士
人僉稱淮水盛漲時往往漫過岡頂比此時水勢
高下相懸二丈今年五月間淮水深尚尺餘空船
仍可行走是淮水斷不至因此阻遏其河底稀淤
臣等用篙探試係青灰色並不膠粘臣阿桂前在
豫省見開挑引河多係沙土膠泥甚少皆金黃色
間有稀淤性乃柔粘簽探不能到底今金家岡一
帶河內稀淤深至七八尺而一竿直可到底隨手

拔起淤卽滿卸竿上僅存青色豫省黃河從無此等淤泥卽詢之南河將弁俱稱江省黃河內亦無此等稀淤其非黃流淤墊可知臣等公同商酌所有金家岡一帶南灘上前估引河一道原爲利漕起見此時高堰誌椿長水三尺一寸湖水又煞壩閉住該處河身現有水四五尺重運儘可遄行自毋庸亟籌挑辦但該處河身爲淮水入湖門戶鳳穎各屬漕艘必由此經行今夏卽形淺滯設日後該處遇水落灘露之時自應開挑引河庶將來水小之年重運到此不致又勞起剥亦屬有益至吁

昭以上淮水情形適廬鳳道王懿德查災前來謁
見臣阿桂面加詢問據稱今夏因淮河水小慮及
商船阻隔又經臣薩載委令逐一履勘維時正當
淮水極小河內偶露一二淤淺之處或中間稍淤
兩旁可行船或此岸微淺彼岸仍屬深通是以不
必挑挖目下臨淮關河內水深丈餘卽前露淤淺
各處亦已水深四五尺等語是淮河現在水勢均
屬一律流通並無阻滯實可毋庸大興工作致滋
勞費倘將來水勢又形稍落露有淤淺臣薩載卽
飭令地方各官隨時勘報趕緊辦理斷不使入湖

之路稍有妨礙奏入

諭曰阿桂等奏會勘洪澤湖淮河情形一摺據稱盱眙縣境金家岡至大王廟二十餘里前估引河一道原爲利漕起見此時高堰誌椿長水三尺一寸湖水又熬壩閉住該處河水現有四五尺重運儘可通行毋庸亟籌挑辦至盱眙以上淮水情形詢據王懿德稱目下臨淮關河內水深丈餘卽前露淤淺各處亦已水深四五尺是淮河現在水勢均屬流通實可無庸大興工作等語洪湖自此次築壩熬住後高堰水誌日漸增長重載足敷浮送金家岡一帶原估引河自無須挑辦至洪湖情形

朕於上年南巡經過時見太平引河已有淤淺是其受
病已久今雖將次挑竣築壩煞住究恐未能得力朕意
清口東西兩壩若於回空過竣後竟行築住方能黃水
涓滴不至灌入但恐未免有礙行旅往來或較今清口
倍加收束如運河閘座之寬止畱一口門使經過船隻
無礙行走則口門收束一丈湖水即可得一丈之益似
於瀦蓄機宜較爲有裨又本年淮水上游被旱水勢甚
弱今臨淮關河內水深丈餘此水又係何時所長並著
阿桂查明一并據實覆奏又據阿桂另摺奏稱清口東
西壩向來欽定機宜原視湖水長落尺寸以定拆收薩

載等上年察看時湖水已經消落其收築壩工不應尚
畱口門二三十丈等語朕從前所定水誌原爲平時湖
水滿足而設豈有湖水已漸消縮竟不將壩工收束煞
住聽其散漫之理薩載等辦理不善實屬無可置喙薩
載等務須益矢天良實力籌辦以期補過毋再貽悞致
干重咎也

公偕薩載李奉翰又奏言臣阿桂自到此間卽與

臣薩載等公同商酌主持定議將通湖太平各河

築壩攔截不令黃水倒灌入湖俾湖水日漸停蓄
專藉黃水浮送回空船隻俟回空船過完若應將

黃水築壩煞住不使入運亦卽酌量辦理臣等相度機宜稽考舊法惟應藉水刷沙以省人力卽有疏治之處亦不致大煩工作現在悉心計議一面
上緊趕辦一面陸續奏

聞一俟湖水漸高重運經行之時先行啟壩下注刷沙敵黃以資利濟庶爲有益至截畱山東回空糧船渡黃進口者已有二百八十餘隻銜尾南行並無阻滯而高堰誌椿又已長水寸餘共存水三尺一寸
逐漸收蓄似足以利新漕稍紓

聖主廑念奏入

諭曰覽奏稍慰

二十五日

公奏言

臣

查陶莊新河勢既收束是以新河內水

面比迤下散漫處較高

臣

與薩載李奉翰酌量相

度擬於順黃壩尾稍上另開口門挑倒勾引渠一

道引黃入運較高家馬頭口門現可多過水四五

尺卽令冬令黃水消落總可過水二三尺爲臨時

調濟補救之一法而現在回空船隻仍由原口門

行走並無淺阻現在新做口門業已工竣尚未啟

放至無錫一帶運河本藉江湖爲吐納以太湖爲

來源本年夏秋之間天氣亢旱太湖來源不旺江潮亦小兩岸民田車戽灌溉晝夜不停以致乾涸臣在途次卽有所聞及抵清口詢之薩載知已委員會同地方官確切勘估尅期興挑正在籌辦間適撫臣閔鶚元勘災來淮會晤據稱該處自八月二十以後民田無須灌溉車戽已停蘇常一帶又得雨澤各處江湖海口同太湖之水俱來滙注九月初間乾涸處所已長水三尺有餘親往察看河流實屬通暢因現在商民船隻絡繹往來而回空漕船計期南下未便築壩興挑擬俟回空過蔺丹

徒運河煞壩挑挖時再行估辦一律疏浚業經附
摺

奏

聞等語臣因撫臣已將情形入
告現又無可辦理是以未經具

奏茲接奉

諭旨以此事上厪

宸衷令

臣

與薩載等悉心籌辦設法疏治

臣

思無錫一帶

運道攸關秋間雖因車戽淺涸究係該處河身稍
高現在河疏暢順回空船隻足資浮送自未便煞

壩興挑轉致稽阻臣與薩載閱鶚元公同商定一俟
回空船隻過竣卽上緊勘估遴委妥員會同地方
官分段竭力挑挖俾一律深通庶源泉旺發再加
江湖湖水滙注可冀河流充足以俟明春重運經
臨藉資利濟斷不敢貽悞新漕可以上慰

聖心塵注

公又偕薩載李奉翰奏言查洪澤湖水自築壩攔
截後高堰誌椿現存水三尺餘通湖引河又次第
估挑一俟湖水蓄高明春重運將臨卽可開放濟
運惟是舊設清口東西壩工蓄清抵黃爲全河最

要關鍵該壩原建於風神廟前距通湖各引河尾長四百二十餘丈自乾隆四十一年間挑陶莊新河後黃流直至周家莊一帶下注滙清歸海清水出口路長將東西壩移下一百六十丈於平成台處建築至四十四年因湖水盛漲東西兩壩全行展拓迤下一帶河面寬濶水勢淤緩又

奏明移下二百九十丈在於惠濟祠前建築以逼水抵黃迨四十六年冬間洪湖存水較小清口口門收窄後湖水仍見消落又於風神廟迤上

奏明添築兜水壩工爲重門關束使湖水多入運口

濟運四十七八九等年將兩層壩工隨時相機一體拆築尚屬得力本年湖水過小黃水盛漲清不抵黃以致黃水直灌入運雖爲近年僅見之事但黃強淮弱由來已久自不得不因時制宜於黃水未經入袖之先設法抵禦查從前清黃交滙處所卽在惠濟祠前今黃流北趨由周家莊下注自通湖引河尾以至清黃交滙處河長一千三百餘丈所設清口東西壩雖較從前已移下四百五十丈現居適中之處但相距清黃交滙處尚有五百餘丈仍覺稍遠似應量爲改移臣等公同相度詳晰

勘籌現有之兜水壩在於通湖引河以下運口以外於東清相宜應照舊存畱加廂寬厚卽以此壩爲東清壩其舊有之東西壩應再移下三百丈於福神菴前建設以資禦黃如遇黃水過大之年卽將口門收窄不使濊入如遇清水過大之年迤上兜水壩相機拆展此壩亦一體展拓俾資暢洩並將東壩做長以攔黃水迴溜西壩收短使清水直出抵黃如此則外有東西壩禦黃內有兜水壩束清無論湖河水大水小之年相機拆展收束均可應手得力似屬兩有裨益其惠濟祠前現有東西

壩今歲本未拆展查風神廟惠濟祠前一帶從前
爲黃淮並行是以該處河面寬至二百餘丈今黃
流北趨專係淮水由茲東注河面更寬清水益覺
無力本年因黃流倒灌清口兩頭俱長有淤灘現
在河泓寬不過十丈內外將來卽遇淮水長發亦
不過刷寬至五六十丈儘敷行走是惠濟祠前現
有之壩不妨聽其畱存毋庸拆毀以護兩岸灘崖
庶清水多一層關束更覺有力足以禦黃刷沙再
東西兩壩每年恪遵

審定機宜酌視洪湖水勢大小隨時拆展辦有成規惟從

前止定有湖水加長拆壩限制其湖水消落應如
何按照尺寸收束畱存口門若干未曾酌定雖蓄
洩機宜原在隨時達變而尋常收蓄亦當議有定
制以便遵守臣等公同籌酌東西壩口門水深濶
激所畱不能過窄嗣後應按照高堰誌椿如湖水
消存三尺酌畱口門十二丈湖水消存二尺酌畱
口門八丈庶節宣均屬有制更可永資利賴
公又奏言查無錫一帶河路現在通行擬俟回空
過完再行築壩挑挖之處另行恭摺具

奏外至引黃入運以資浮送不但原屬下策竟係無

策但當浮沙梗阻清水弱小之時卽多費錢糧多
集夫力盡心挑挖亦隨挑隨淤徒費無益卽如乾
隆三十三年三十六年四十三年清口等處均經
浮沙梗阻連閘背淤平較目今爲尤甚彼時亦有
議施工挑浚者而隨挑隨淤終俟湖水長發暢出
敵黃浮沙卽衝刷無存臣等相度機宜稽考舊法
惟應將湖水蓄高俟明春重運將臨啟壩下注所
謂水清刷沙如湯沃雪不難盪滌盡淨概復舊規
是以擬定於湖水出路築壩攔蓄以冀清水日漸
旺盛但將太平河裴家廠張福口通湖引河多派

人夫上緊挑挖業已挑有八分工程工竣後就現在洪湖誌椿存水三尺而論亦未嘗不可引出清水以濟運道其所以仍擬俟重運將到時再行啟放者則又以自目下至桃汛以前皆非淮水加長之時若此時卽行開放計至明年夏間尚有數月恐至或形短絀故不得不如此慎重辦理而疏治之處除通湖引河外惟於通湖河尾起至滙黃一路抽挑子溝令其易於汕刷不至大煩工作是現在清口一帶實無緊要應辦之事而酌量情形於歲內回空及明年重運可以過行無悞之處亦覺

有把握臣俟將管幹珍所奏江南通運支幹各河
應行疏浚及全德所奏調劑鹽河事宜與薩載公
同熟籌妥議定有章程卽交薩載等辦理遵

旨起程由豫東查勘新堤災賑諸務畢再行回京均奏入
諭曰據阿桂奏現於順黃壩尾稍上另開口門挑倒勾引
渠引黃入運較高家馬頭口門現可多過水四五尺卽
至黃水消落總可過水二三尺實爲臨時調劑補救之
法並將清口東西兩壩酌量移建以之禦黃東清並酌
定將來湖水消落將口門收束尺寸等語亦再無過此
法者矣惟引河濟運係一時權宜之計一俟清水漸長

時究宜將口門堵閉至上年冬間及本年春夏清水消縮薩載等並不攔截收蓄清日弱而黃日強以致倒灌淤阻其咎實無可辭非朕指出阿桂亦未曾言也再所奏無錫一帶運河兩岸民田車戽灌溉晝夜不停以致乾涸等語江南運河本藉江湖爲吐納以太湖爲來源從未聞淺涸斷流漕運商船俱形阻滯者本年夏秋缺雨農民戽水灌田不停晝夜以致日漸消落但官渠之水原以濟運通商與農田均關緊要當天氣亢旱時固不能禁民車戽亦當照衛河之例立以限制毋許農民任意車戽使通渠竟成淺梗蓋農民取水灌苗意在多

多益善彼時自當於運河一帶仿照徐城高堰等處設立誌椿明定尺寸河水消落若干卽毋許農民車戽雖遇缺雨不致淺涸庶於漕運民生均有裨益此事關係匪小薩載李奉翰閱鶚元從前並不據實奏聞其不是甚大著傳諭阿桂將此旨面加曉諭令伊等知獲咎之處實在於此並著阿桂將運河戽水如何定立限制添設誌椿之處交薩載等妥協辦理具奏

公偕薩載李奉翰又奏言伏查淮河清水禦黃濟運爲全河最要關鍵今歲天氣久晴淮水未經大
長仰蒙

聖明遠照以桐柏山爲淮水發源

諭令畢沅廣爲濬導又虔申祭告并

勅修淮瀆廟宇於工竣時

御書匾額以答

神貺是淮水來源之處旣荷

聖主齋心默禱從此

神靈協應泉源湧發會流下注洪湖自必日就充足暢

出清口永資利賴

臣

等敬承之下實深欣感查南

河亦有淮瀆廟二處一在裏河廳屬運口該廟每

年隨時修理現在完整

臣

阿桂於本月十五日親

往瞻禮默告一在洪澤湖中盱眙縣境內龜山之
上相傳向著靈異年久未修

臣等仰體

聖主誠敬感孚廣邀

靈貺之意亦請一體修葺用答

神庥奏入報

聞

十月初四日

諭曰前以本年大河淮安等幫有遭風沉溺之事據阿桂
奏稱漕船過於高大挽掉維艱似應酌量改小等語因
降旨令薩載等會議嗣據酌減尺寸具奏並經大學士

九卿等議覆准行今據嵇璜面奏薩載等所定尺寸較現在出運漕艘大小不甚相懸恐屬無益不若仍舊等語所奏亦屬近理著阿桂等再行會商妥議乘此未經改作之時據實覆奏

初八日

公偕薩載李奉翰奏言查通湖張福口各引河尾自築壩收蓄清水後黃水已無涓滴入湖但藉黃水入運以送回空未免稍分黃河之力蓋全黃合流則急分流則緩河急則通緩則淤臣等公同商酌蓄清固爲目今第一要著而黃流不可不顧擬

俟回空船隻過竣後竟行築壩煞住當此冬春淘
底之時俾全黃專力下注入海則自雲梯關以達
海口不藉疏浚自然淘刷深通亦歷來藉水攻沙
之法臣等伏讀

諭旨恐未免有礙行旅往來仰見

皇上體卹深仁無微不至但查每年回空過竣濟寧以南
既須煞壩興舉歲浚事宜卽江以南徒陽運河及
無錫一帶淤淺處均應築壩一律挑挖行旅往來
由陸路盤剝居多則清口築住計至啟放清水爲
時不過兩月有餘且太平引河與運河止隔一堤

該處原設有濟運壩一座臣等擬俟攔住黃水後將此壩暫行開放引湖水數尺入運稍爲盪滌淤沙並於揚州三溝閘以上築壩煞住而濟運壩亦卽堵閉俾湖水不至多消則居民藉資汲用而輕舟小載仍可往來其間亦不致大有妨礙又奉

諭旨垂詢本年淮河上游被旱水勢甚弱今臨淮關河內水深丈餘此水又係何時所長等因臣等查上年年底至本年春夏高堰誌椿消落無存七月初旬以後淮河陸續加長亦有數尺總未旺盛流入洪湖所長無多高堰誌椿止存水二尺六寸較之上年湖

水長發時尚小三尺餘寸而黃水又高是以不能
由五道引河暢出刷沙敵黃其臨淮關底水本有
七八尺合之長水共存丈餘此淮河上游實在情
形也現在湖水又長寸餘高堰誌椿存水三尺二
寸回空船共過五百餘隻進行無阻奏入報

聞

十月初八日

公偕薩載李奉翰奏言

臣

阿桂在京時欽奉

上諭以管幹珍奏江南諸湖堤埝開座具存而支河往往
不通湖水竟有淤涸已有旨交薩載李奉翰蘭第錫明

興酌籌辦理合臣阿桂將管幹珍所奏疏浚支河合諸水匯流由幹達支俾脈絡貫通之處亦卽會同酌定章程可行與不可行交地方官實力辦理等因欽此臣阿桂到江正在會同查辦間又奉

上諭本日管幹珍前來行在覆命據奏稱邳州城北有三次河匯沙家隅頭諸河之水併入駱馬湖如廣爲收蓄則黃林莊邳宿以下之運河均可資接濟等語其言是否可採併著阿桂等一體酌核妥議等因欽此臣等跪讀之下仰見我

皇上籌濟漕運垂厯農田至意臣等伏思近運湖河如果

支幹脈絡不通於蓄洩兩有關礙自當趕緊查辦以利轉輸若於運道既屬無關而農田不致有礙亦不得大興工作徒費帑金自應相度形勢酌量辦理臣等責成該管巡道確切履勘務得實在情形茲據各稟覆前來臣等查黃河以南運河由運口以至瓜州專藉洪湖爲來源其東西兩岸各湖全係分洩運河之水不能引以濟運是現在除蓄清水之外更無他策至大江以南運河北藉江潮爲吐納南恃太湖之灌注河道從無淺阻雖本年七月間因天時亢旱又值兩岸農田車戽至無錫

伍牧洛社一帶河水乾涸嗣因田內停車湖水滙注不挑而現已長水至四五尺其餘漕運經行各州縣均係大河無可籌辦業經臣薩載等

奏明在案臣阿桂自抵工後復查該處河道情形除無錫伍牧洛社河淺處所仍應於今冬一律煞壩辦理此外實無需另行籌辦均應毋庸置議外至黃河以北運河宿遷境內有駱馬一湖承東省蒙沂白馬諸河之水每歲秋冬瀦蓄次年由沿湖之王柳二閘及乾車頭竹簍壩口門啟放入河濟運如遇盛漲年分將尾閘五壩開放由六塘河歸海

去路甚暢本年亦因天旱存水無多所有尾閘壩
工現俱堵閉多收一尺湖水卽受一尺之益雖該
湖儘濟宿遷以下運河邳境不能得其利濟但江
廣重運船身笨重經臨阜河一帶得資湖水接濟
亦屬有裨惟始因湖心收窄王家溝柳園頭乾車
頭引渠俱有淤淺湖水不能暢出入運應將各引
渠疏浚深通直達湖心以便明年重運經行時俾
湖水由各口門啟放下注再該湖現因存水較少
涸出灘地稍多附近居民不免於湖內私種莊稼
恐愚民無知一經開墾將來習以爲常遇湖水長

發轉慮淹及田禾致有盜決堤埵之事於運道大
有關係嗣後湖內灘地應嚴行禁止耕種并不准
借名陞科希圖侵佔如有仍前任聽私種者卽將
失察之該管地方官及營員一併嚴叅民人照例
治罪其邳州境內運河東岸有盧口壩徐塘口沙
家河黃道人橋等處亦係承東省沂沭諸河之水
歸入運河其給事中管幹珍所奏之三汊河在邳
州城北乃係艾山河不能歸湖亦由沙家河入運
各水口河道現俱流通間有淤淺處所只須責令
兵夫人等量爲挑撈毋庸大加挑辦至沂河河身

徑直山泉陡發卽騰湧入運消落亦甚迅速是邳境運河稱沂河爲客水全恃微山湖爲來源一由東省湖口雙閘經八閘注入江境一由蘭家山壩於茶城小梁山花山三道引河出荆山橋入邳汛運河查微湖關係兩省濟運設湖水蓄水無多自應先儘上游東省挹注倘遇湖水充裕江省邳境別無來源必待八閘啟放涓涓下流未免緩不濟急臣阿桂酌量情形如湖口誌椿存水在九尺以下卽不便在蘭家山壩輕行開放致湖水或有耗竭如誌椿存水在九尺以上似應依向年成例開

放蘭家山壩工俾江省藉資分潤仍於重運經臨
時察看清水情形按照誌椿尺寸由臣薩載等與
河東河臣彼此知照酌定再行奏

聞開放其通湖入運三道引河連年以來積淤深厚若普
例興挑未免需費太多臣等查此內花山一處形
勢最爲直捷只須將該引河挑挖深通卽足資接
引如此則微湖水大之年旣多一路宜洩運河水
小之年亦多一路接濟似爲有益以上各處臣薩
載等現卽確切勘估奏明辦理其餘湖河均屬通
順毋庸籌辦總之大江以南素稱澤國不患水少

而患水多雖有支幹各河祇以備宣洩而非所以
資儲蓄是以江以北尚有可浚之支河而江以南
實無可辦之河道至於支河汊港之藉通舟楫用
資灌溉而於運道無裨者支分派別爲數繁多遇
有淤淺應令農夫照業食佃力之例辦理只令官
爲督率以省煩擾奏入報

聞

又

諭曰阿桂查奏清口淺攔漕船一摺已批交該部議奏矣
至摺內稱清口西岸淤住船隻現已推活挽拽南下其

張福口天然引河淤船前已於河尾築壩止可明春啟壩時拉出其應運米石已咨明漕臣通融搭解等語此項淤阻漕船明歲運通之米石雖已通融搭解但該處業經築壩淤船須至明春啟壩時拉出是本年已不能回空歸次於明歲新漕何以受兌或係明歲不出運之船乎著傳諭阿桂即將此項淤淺船隻是否不至誤運之處據實覆奏

公偕薩載李奉翰奏言遵

旨查勘鹽河情形現在海州鹽河水已暢行其運出鹽觔經鹽政全德奏明改由高家堰過壩入洪湖行走

此一路最爲通順其泰州場河水既少自當以引江引海爲要著今全德築壩蓄潮業有成效卽將來潮水低落又可用戽灌之法以期潴蓄常滿是泰州場河亦已無慮淺阻惟通州場河久涸臣等悉心籌辦現在淮南口岸既有泰鹽可運足資接濟通鹽爲數本少除呂餘二場奏請江運外其餘七場之鹽尚非旦夕急需不妨暫行緩運現據全德亦已委員抽槽引江以期濟運應卽交與全德再將附近正河之場鹽先行運出其餘有可設法之處亦次第辦理至泰州場河築壩蓄水既有成

效並應令全德派員專司巡察嚴禁偷挖以防洩
耗臣薩載臣李奉翰亦嚴飭該州縣開官一體照
管俟河水大長方可啟壩庶於運務有益奏入報
聞

公又奏言查江南運河本藉江湖爲吐納以太湖
爲來源從未聞有淺涸斷流之事緣無錫伍牧洛
社一帶乃江湖自北而來湖水由南而注爲交匯
之區兩水相頂未免畧有浮沙停淤又值本年夏
秋缺雨農民戽水灌田晝夜不停以致日就消涸
自九月初間車戽旣停卽長水三尺餘寸河流通

賜現據閔鶚元札知該處水深四五尺回空船隻
儘數浮送所有從前勘估應行挑挖處四千餘丈
交與薩載等俟回空船隻過竣卽上緊確切勘估
委員會同地方官分段竭力疏浚俾一律深通以
利新濬至官渠之水原以濟運通商而農田亦藉
資分潤該處農田被旱屛水灌溉原所不禁但農
民任意車戽晝夜不停使通渠竟成淺阻實屬不
成事體誠如

聖諭亦當照依衛河之例酌立限制俾可永遠遵行臣與
薩載等公同籌酌查重運漕船向例吃水三尺餘

寸應請嗣後運河一帶分段設立誌椿總以四尺爲度如河水深至四尺以外任憑兩岸農民耳水灌田如止消存四尺卽無許農民車戽庶濟運灌田俱定有限制似屬兩有裨益奏入得

旨如所議行

公又奏言查抵通回空首幫船隻尚未據報挽入江境而舊冬守凍並本年截畱漕艘先後渡黃南下者已共有六百三十隻並無阻滯雖現在節逾霜降黃水日見消落而清口以下河道因數月以來刷成溝槽水勢較前更覺深通所有臣等擬於

陶莊河尾另開引渠一道已於十月初一日開放過水比彭家馬頭口門深四五尺有此引渠回空船隻斷不致復虞淺阻至湖水出路自築壩攔截後高堰誌椿已長水七寸有餘連前共水三尺三寸雖今年淮河水勢不旺洪澤湖面週圍寬至四百餘里一時未能多見增長然日漸停蓄至明春開放時高堰誌椿存水似總可至四尺以上伏思上年年底高堰誌椿存水已消落淨盡加以今年自春至夏旱暵湖水有消無長而五月以前重運船隻經由清口尚未耽延直至六月下旬因黃流

驟長倒灌入口湖水始涓滴無出目下高堰誌椿
存水較上年冬底已多三尺餘寸現復築壩攔住
湖水有長無消而新移東西二壩口門復加收束
不至如前散渙且通湖之張福口太平河裴家場
三道引河業俱挑竣臣等掣放水平均屬通順無
阻其張家莊天然引河亦卽估挑臣復告知薩載
等加估寬深並督飭工員如式竭力挑挖統俟明
春重運將到蓄其力而發之啟壩下注抵出清口
刷沙敵黃以資利濟臣遍詢工員揣度事理覺如
此辦理空重糧船均已足資浮送實有把握可以

上慰

聖懷而清口一帶此外更無緊要應辦之事臣拜摺後卽

於初三日起程由水路自楊莊至韓莊一帶查看

運河情形至東省湖河節經河東河臣蘭第錫山

東撫臣明興查明具

奏並札知到臣現俱疏浚深通無可籌辦臣擬俟抵

韓莊後再行察看微湖水勢並逐加訪詢如果東

省河道無須勘辦臣卽取道徐州赴豫查勘新堤

及災賑諸務奏入報

聞

十三日

公奏言查雍正年間部臣原議成造漕船本有定式如有私放寬大者該漕臣卽將糧道題叅從重治罪嗣以歷年久遠成法廢弛各船每屆拆造漸放高大希圖多載私貨並將高深丈尺逐漸加增以致漕船過於高大吃水較深不特掉挽維艱舟行濡滯抑且招風易於失事是以臣曾奏及復蒙皇上降旨令薩載毓奇會同有漕省分各督撫悉心籌畫嗣據該督等酌減尺寸會同具奏臣在京時遵旨會同大學士九卿等議覆奉

旨准行至薩載等所定尺寸其江廣船式與雍正年間題定船身丈尺不相上下江浙漕船定以船身長八丈寬一丈五尺雖較雍正年間所定仍屬寬大而與現在出運漕艘長至八丈八九尺寬一丈六七尺已量爲收小於過閘擱淺等處自較便利其旗丁所帶土宜一百二十六石乃係歷久遵行舊例雍正年間船身尺寸雖減例帶貨物尚可攜帶豈今定船身較大轉致不敷况薩載毓奇於議改漕船時曾附請令旗丁等於例外加帶土宜七十餘石自係薩載毓奇深知漕船卽收小之後尚儘有

餘地可以裝載貨物始欲定以二百石我

皇上聖明以若許旗丁例外多帶必至無所底止有

旨申飭該督等並令大學士九卿會議彼時止駁令不准
於例外多帶土宜未將船身丈尺照此核算再爲
收小原以流弊已久一旦難以全行改革是以仰

體

皇上於明定限制之中仍寓兼恤丁艱之意若併將船身
大小亦不爲立定限制則貪利旗丁又不知伊於
何底至此項船隻原議自乾隆五十年爲始凡有
十運滿足例應拆造時始令照依新式成造所用

料物仍照從前原定價值不致再滋繁費奏入

諭曰前以本年大河淮安等幫有遭風沉溺之事據阿桂奏稱漕船過於高大掉挽維艱似應酌量改小等語朕以其所言或與漕運有益因降旨令薩載毓奇會同有漕省分各督撫悉心籌畫或可將船身酌量改小以期行走便利嗣據該督等酌減尺寸會同具奏並經大學士九卿等議覆准行今又據嵇璜面奏薩載等所定尺寸較之現在出運漕艘船身不過收小一丈上下其寬深亦祇減一二尺是大小不甚相懸恐屬無益且重運北上總藉河水浮送若運河水足歷來糧運船隻並未

濡遲貽悞若運河水淺卽再行收小恐亦難以行駛不若仍舊於漕運貨物均有裨益等語所奏亦屬近理且船身收小旗丁等例帶土宜或至不敷裝載自斷無將漕米減去轉載貨物之理而漕船所帶貨物俱民間日用所需若令其減帶則京師百物不無騰貴殊非便民恤丁之道前此薩載等於議改漕船時曾奏請令該旗丁於例外加帶土宜七十餘石試思船旣收小其例帶土宜尚恐不敷裝載又安能於例外再行加帶益可見薩載等前奏之非是已降旨申飭况河水設遇短淺毋論現改船式減去尺寸無多難以行走卽便再行收小

亦斷不能小於民船豈能行走迅速耶著傳諭阿桂等再行詳晰會商妥議與其更張煩擾自不若仍舊毋庸改造之爲便也阿桂等當乘此未經改作之時卽行妥速定議據實覆奏

十六日

公奏言臣於本月初七日自清口起程由水路至韓莊沿途察看運河水勢尚屬充餘抵壩回空首幫漕船俱已挽入江境之黃林莊南下足敷浮送惟大泛口等處間有噴沙淤淺現已派員隨時撈挖十一日抵韓莊撫臣明興因查賑催漕至此十

二日河臣蘭第錫亦自豫回東俱前來會晤臣與之面商籌酌並細加訪察東省湖河水勢足敷蓄蓄泉源支幹亦俱已疏濬深通無庸再爲辦理惟運河東岸有墨河一道發源於郊城東北墨泉長六十餘里至江境入沂河歸駱馬湖該河於乾隆十二年開浚現在不免淤塞泉源未旺此河雖係小支亦應一并疏治俾泉水增長入幹歸湖於下游運河有裨又嶧縣有礪石河發源於廟山陶溝河發源於平山兩河之水匯歸於陶溝橋南注趙村湖由黃道人橋入運間段稍有淤阻而趙村湖

湖面雖不甚寬大爲衆水匯聚之地地勢稍低黃道人橋河前經奏明酌量疏濬應將黃道人橋下落低數尺挑淤出水亦於運河有濟此兩處工程祇須令山東江南地方官河員各爲勘明實力辦理毋庸動帑至西岸通湖入運之支幹各河俱經疏浚通順其無關運道之支河汊港因黃水經過一律淤平已無形跡可尋本年雨澤稀少此等涓涓細流雖於湖河無大裨益但於坡水下注時多一貫通之路卽多收瀦蓄之益臣與蘭第錫明興酌量惟有於修治道路時兩旁挑挖深溝卽以溝

內之土填高道路一遇雨水充足田塍之水盡歸道旁溝內而溝內之水又可通達流入支幹各河源源入湖則田塍既免積潦之患而湖河又收灌注之資亦爲一舉兩得容俟春融凍解後撫臣明興卽勸諭閭閻實力辦理至微山湖水勢臣前往詳悉履勘測量現在水誌七尺五寸湖面高於運河面四尺四寸查每年春間開壩時消水起至伏秋長水時止消水不過二尺餘寸則微山湖現在所收之水接濟明年新漕似足敷用况該總河商同道員沈啓震擬將獨山湖不能盡出之水再行

設法全歸昭陽湖下注微山湖尚可冀陸續增長
以資收蓄再臣沿途詢問農民九月十七八兩日
得雨深透晚秋莠麥結實飽綻有收閭閻藉此接
濟已種之麥得此雨澤滋培盤根深固長發茂盛
未種者亦一律播種齊全民情甚爲寧貼再臣於
拜摺後卽前往河南查勘新堤災賑事宜奏入報
聞

二十五日

公偕薩載毓奇奏言伏查各省成造漕船前於雍
正年間部臣原議本有一定丈尺嗣因船身尚有

寬餘歷年遇有裁減分幫酒帶足數容納而各幫旗丁每於成造時私放寬大藉圖多帶貨物以致船身過於高大挽掉維艱抑且行駛招風易於失事臣阿桂曾將情形奏及仰荷欽頒

諭旨飭令臣薩載臣毓奇會同有漕各省督撫酌量改小

以期行走便利臣薩載臣毓奇當卽欽遵面爲酌

商悉心籌議將各幫船額裝米數與例帶土宜逐一核計酌減長寬高深丈尺會摺陳奏經大學士九卿議覆江廣船式應如所奏辦理江浙船身較舊例尚屬寬大行令聲明具奏亦經臣薩載臣毓

奇查議覆奏在案茲欽奉

諭旨令

臣

等再行詳晰會商妥議

臣

阿桂當與

臣

薩載詳

細商酌查漕船上關

天庾正供而例帶土宜亦爲民間日用所必需如果船身
改減糧米之外不敷容納以致減帶貨物價值不
無騰貴自應恪遵

訓示仍循其舊惟是

臣

薩載

臣

毓奇酌改各船丈尺之時

原將額裝米數與例帶貨物通盤核算不特土宜
一百二十六石足敷裝載此外尚有空餘以備酒
帶米石地步雖江廣江浙漕船收短八九尺及一

丈餘尺不等收淺一尺五六寸不等似與現運漕船不相上下第每年河水大小難以懸定如水勢充足卽船身高大尚屬易於行駛設遇河水短少未免卽形濡滯是以收短一丈卽可得一丈之益收淺一尺卽可收一尺之效且旗丁於成造船隻時輒自加增尺寸若不立定限制勢將無所底止如照前議所定江浙漕船長八丈深六尺喫水以三尺四寸爲度江廣漕船長九丈五尺深六尺九寸吃水以三尺九寸爲度并將吃水尺寸逐一量明分晰橫刊於棧板之上俾得衆目昭彰易於查

驗旗丁既不能於定制之外私增尺寸亦不能於
土宜之外多帶貨物卽遇水小之年船身吃水不
至甚深亦可無虞稽阻似與漕運不無裨益至應
改船隻凡遇十運滿足者方令照依新式拆造計
十年後如能改造齊全所用料物仍照從前原定
價值亦不至紛更煩擾臣等仰蒙

聖訓諄諄當爲漕務籌其萬全倘因改小丈尺於丁民稍
有未便斷不敢輕議更張今查酌減船身丈尺於
例帶貨物業有餘地可以裝載而成造漕船亦有
一定限制可以遵守似應仍照原議改減尺寸辦

理奏入下部知之

二十六日

公奏言查清口通湖各引河淤阻各船除張福口天然引河淤阻江西幫船十二隻外爲賑糶之用應於裴家場引河停泊起卸由洪澤湖運往並非違例私行停泊不在查叅之內是以臣前摺未經列入合計此項淤船共三十二隻均須於明春啓壩時拉出本年不能回空歸次所有明歲應兌新漕亦應通融酒帶搭解查江西漕船每隻例裝米八九百石浙江漕船每隻例裝米五六百石所有

引河內淤淺各船明歲應運新漕不過二萬數千石而兩省漕船幾及二千隻以之洒帶搭解每船多運米不過十餘石上下不患不敷裝載斷不至於悞運奏入報

聞

公又奏言

臣前奉

諭旨赴豫省被災各處逐加履勘賑恤會否普霑民情是否寧貼據實具奏地方官若有辦理不到處卽速奏聞
欽此仰見

皇上厯念災黎如傷在抱惟恐一夫失所至意伏查豫省

大河以南上年收成本非豐稔今歲春夏之間雨澤缺少二麥無收早秋未種所有被災各府屬仰蒙

皇上渥澤優加

恩施浩蕩蠲緩賑貸至再至三災黎口食有資不致流離失所自六月初旬甘霖疊沛農民得以趕種晚穀以及各項雜糧嗣後雨澤調勻禾苗滋長通省秋收約六分有餘其間得雨稍遲收成歉薄應緩應借及歸德陳州光州等屬夏秋水仍屬缺少未得一律優沾秋禾被有偏災應行撫卹之處均經

撫臣畢沅陸續分晰奏蒙

聖鑒在案臣自江蘇徐州蕭縣碭山入河南境經由虞城商邱寧陵睢州等屬俱係夏麥歉收秋成又復失望地方當此災歉之後全賴明歲春麥以資補救業經該撫藩酌發籽種銀兩查明實在無力農民照例借給及時播種麥苗現已出土至各屬極次貧民應行撫卹口糧臣細加訪察豫省新定放賑章程先經遴委各員分往各鄉逐村逐戶查核各姓大小口數通行出示曉諭並每戶給與印票一張藩司江蘭復周歷查勘實無濫遺屆期委員分

廠監放不使胥役鄉保稍有絲毫弊混辦理尚爲周妥臣經過虞城等處正值委員分查戶口之時臣出其不意弔取細冊於所過鄉村抽查戶口均與冊載相符復沿途留心察看貧民均沾實惠情形實屬寧貼奏入報

聞

公又奏言臣於十三日在韓莊起旱取道徐州沿河行走由蕭碭一帶赴豫十七日行抵商邱連日自該工七堡河尾起直至蘭陽李六口河頭詳細察勘緣新河經本年伏秋異漲舊律漫灘此時已

水落歸槽雖灘崖尚不甚高而高家寨以下河勢多向北趨河面寬至二三百丈流行極爲順暢是形勢已屬大定而今年蘭第錫畢沅籌辦修防事宜亦俱妥協且河內中泓溜勢湍駛向後冬水淘底河槽可冀更加刷深再經一兩次大汛灘崖逐漸淤高新堤益增鞏固惟商邱七堡河尾爲新河歸入舊大河身尾間河面現寬一百七十丈迤南又有川字溝三道一律深通儘敷行走但該處本係從老灘上開挖成河土性堅實雖經今秋盛漲川字溝舊存積土尚未盡行塌去臣已告知蘭第

錫畢沅再將積土設法除去俾明年汎水長發與川字溝滙通成河去路愈暢於宣洩更爲有益其灘上溝槽及從前舊有河形此次黃水鋪漫口淤平處所已多尚有未經淤平者蘭第錫等現奏明估築挑水壩原以跨壓河形臣復囑令將凡有溝槽悉行堵斷並於舊河形內多築土格攔截以期漸次填淤并使河無旁洩歸併東趨旣得藉以陶刷加深而汎水漫灘時亦不至有衝串之患至隰州二堡上年合龍大壩本極寬厚鞏固今年蘭第錫等與河北道康基田商辦將迤西挑水壩接出

做長挑溜北趨大壩以前現已長出膠泥大灘壩
工有此擋護將來更可無虞其高家寨一帶上年
冬間臣阿桂見該處河面寬不過六七十丈維時
因對岸迤北河形現有兜灣隨與蘭第錫等商酌
於離堤四百餘丈外順勢抽溝一道預備今年夏
間水勢漲發時抽溝處所衝刷成河與大河連成
一片河面已寬至四百餘丈是以高家寨壩工兩
頭已停淤四百餘丈迨八月初旬大河水落走灣
溜勢分由睢州頭堡南趨仍將新淤嫩灘刷去致
高家寨十壩上下復有拖溜經行因思黃流性必

坐灣新河綿長一百七十餘里勢不能竟無坐灣之處若高家寨險工全閉或於該工上下又復兜灣生險反覺猝不及防臣阿桂連歲在工畱心詢問知大河溜勢經行固無一定而行走既熟亦易於防範高家寨一帶爲大溜所經業已兩年且該處河面現寬至四百餘丈又係落水險工較之大汛時新生險工轉覺防守稍易現在蘭第錫等督令工員鑲做埽工亦極寬厚儘可保守惟該處埽工現有八百餘丈段落未免太長既有分溜逼近誠如

聖諭自不若預爲防護令其歸併一股較爲妥善臣與蘭第錫畢沅公同履勘再四籌商該處堤工局勢已成河面寬至四百餘丈水深至一二丈不等若從對岸北灘另挑引河斷不能如現在河形之寬深仍難望掣動大溜今年所開之陳福莊引河卽其明驗是此時防護之法無不出於

聖明指示添建挑水壩逼溜北趨之最爲得要而建築挑水壩亦惟有遵

硃筆標識處所於埽工之上斜向東北建築最爲得勢所有壩工計長一百八十餘丈蘭第錫畢沅卽確切

勘估派員辦理目下涵勢已向北開一俟挑水壩
築竣則迤西埽工之前可冀澄淤倘埽工太長涵
勢不能盡向北挑臣已與蘭第錫畢沅商定彼時
察看情形或於迤下再添建挑水壩一二道以漸
進逼使埽前拖涵悉向北趨大涵歸併一股東注
於埽工自更資保固奏入得

旨如所議行

十一月初四日

公奏言臣前由江蘇入河南境經由虞城商邱寧
陵睢州等屬災賑情形業奏蒙

聖鑒在案臣由蘭陵渡河經過考城封邱延津汲縣淇縣
濬縣湯陰安陽等屬沿途留心詳加察看此一帶
地方上年秋收歉薄本年春夏缺雨二麥無收早
秋未種而衛輝所屬連年旱暵情形被災最重仰
蒙

皇上垂念災區

恩綸疊沛蠲賑兼施又命藩司江蘭常駐河北往來督辦
撫綏賑卹災黎均沾實惠不致流離失所更復

宵旰憂勤虔申祈禱庶嘉默契感召和甘自六月初旬渥
澤普霑農民得以趕種晚穀以及各項雜糧嗣後

豐沛甘霖禾苗發榮滋長秋收約六分有餘雖積
歉之區元氣未能驟復而得此秋成口食有資已
覺喜出望外現在秋麥又一律播種麥苗長發彌
望青葱民情實屬寧貼景象亦爲和順臣所過村
莊城市老幼男婦環道歡呼感頌

聖慈高厚得以生全至河北被旱較重之汲縣新鄉獲嘉
淇縣輝縣五屬被旱稍輕之延津封邱考城濬縣
滑縣原武陽武武陟修武等九屬仰蒙

恩旨疊加賑卹極次貧民得資全活現在有地貧民收穫
秋禾兼之豁免本年錢糧安心耕作俱足贍給其

無地極貧下戶內除年力強壯可以赴工力作藉資餬口外惟有老弱婦女病疾孤苦不能自存者當此窮冬寒沍及明歲青黃不接之時生計稍覺艱難現經撫臣畢沅與藩司江蘭悉心講求或於今冬煮賑或懇請於明春

賞給口糧另行請

旨辦理則災後無告窮黎更不至一人失所臣拜摺後卽由直隸磁州一帶進京復

命叩覲

天顏再查清口通湖各引河內淤阻江西浙江幫船共三

十二隻昨接薩載等札稱前項船隻今復查有附近裴家場引河之卞家汪積水頗多俟將各船推活卽用卞家汪之水由攔湖壩挽出既可早令歸次亦不至消耗湖水等語所辦自更妥協臣已札覆令其速爲辦理是此項船隻今冬仍可歸次並不須各船洒帶矣奏入報

聞

是月回京

賜

御筆調元錫瑞匾額

是年八月第一曾孫崇綬生孫那彥寶出
九月子阿彌達授工部右侍郎

